


EAST ASIAN LIBRARY
UNIVERSITY OF TORONTO LIBRARY
130 St. George Street
5th Floor
TORONTO, CANADA M5S 1A5



DS
751
175
1692
V.7



曾文定公全集卷之六

南豐後學彭期編訂

戰國策目錄序

劉向所定戰國策三十三篇崇文總目稱十一篇者
闕臣訪之士大夫家始盡得其書正其誤謬而疑其
不可考者然後戰國策三十三篇復完叙曰向叙此
書言周之先明教化修法度所以大治及其後謀詐
用而仁義之路塞所以大亂其說既美矣卒以謂此

王曰何等
謹啟而雍
容敦博之
氣又宛然

舉孔孟以
證戰國之
失經曰羣
言淆亂折
諸聖

書戰國之謀士度時君之所能行不得不然則可謂
劉○向○之○失○在○此○
惑於流俗而不篤于自信者也夫孔孟之時去周之
初已數百歲其舊法已亡舊俗已熄久矣二子乃獨
先○之○道○以○謂○不○可○改○者○豈○將○强○天○下○之○主○以○後○世○之○
不○可○為○哉○亦○將○因○其○所○遇○之○時○所○遭○之○變○而○為○當○世○
之○法○使○不○失○乎○先○王○之○意○而○已○二○帝○三○王○之○治○其○變○
固殊其法固異而其為國家天下之意本末先後未
嘗不同也二子之道如是而已蓋法者所以適變也
不○必○盡○同○道○者○所○以○立○本○也○不○可○不○一○此○理○之○不○易○

○與○向○相○反○

者也故二子者守此豈好爲異論哉能勿苟而已矣
可謂不惑乎流俗而篤于自信者也戰國之游士則
不然不知道之可信而樂于說之易合其設心注意
偷爲一切之計而已故論詐之便而諱其敗言戰之
善而蔽其患其相率而爲之者莫不有利焉而不勝
其害也有得焉而不勝其失也卒至蘇秦商鞅孫臏
吳起李斯之徒以亡其身而諸侯及秦用之者亦滅
其國其爲世之大禍明矣而俗猶莫之寤也惟先王
之道因時適變爲法不同而考之無疵用之無弊故

△何○等○痛○切○

○又○轉○起○伏○

古之聖賢未有以此而易彼也。或曰：邪說之害正也，
宜放而絕之。則此書之不泯，其可乎？對曰：君子之禁
邪說也，固將明其說于天下，使當世之人皆知其說
之不可從，然後以禁，則齊使後世之人皆知其說之
不可爲，然後以戒，則明豈必滅其籍哉？放而絕之，莫
善於是。是以孟子之書有爲神農之言者，有爲墨子
之言者，皆著而非之。至于此書之作，則上繼春秋，下
至楚漢之起，二百四十五年之間，載其行事，固不可
得而廢也。此書有高誘注者二十一篇，或曰三十二

切證

○經○及○所○以○不○漫○其○書○之○意○

篇崇文總目存者八篇今存者十篇云

劉水邨曰南豐先生爲文章實宗西漢故王舍人震序其文曰自負要似劉向不知韓愈爲何如然予以劉向所作戰國策序與先生之序並觀則勝於向蓋向之序文冗贅而先生之文謹嚴如曰論詐之便而諱其敗至亦滅其國一段此等筆力劉

王遵岩曰此序與新序序相類而此篇爲英爽軼宕

茅鹿門曰大旨與新序序相近有根本有法度孫執升曰子固之文遠宗子政今其持論如此人固有師其文而不師其意者合二序讀當自得之丘邦士曰借劉向語駁起其實見孔孟之道不爲背時而國策之士從于流俗卒之身國俱害以見策士之不可爲也可謂通論名言而終篇以古勢古調駢宕流轉可愛可愛金聖歎曰精整不懈散之文

孫月峯日以聖賢立論而死中求活有根本有法度

唐荆川曰賁題格

原本茅本先王下脫之道字世之下脫所字末無云字從文鑑文編增入外唐本所定下有著字又十一篇上有第字表字下重混字戰國策亦有著字舊俗上多其字用之下無者字孟子上無是以字有故字四十五年誤作四五十年或曰二十作三十末云字下有編校史館書籍臣曾鞏序十字

新序目錄序

劉向所集次新序三十篇目錄一篇隋唐之世尚爲

全書今可見者十篇而已臣既考正其文字因爲其

唐日以議論○叙事

序論曰古之治天下者一道德同風俗蓋九州之廣

萬民之衆千歲之遠其教已明其習已成之後所守

者一道所傳者一說而已故詩書之文歷世數十作

者非一而其言未嘗不相爲終始化之如此其至也

當是之時異行者有誅異言者有禁防之又如此其

備也故二帝三王之際及其中間常更衰亂而餘澤

茅曰三代

盛時氣象

非會子固

不能實見

得總見得

子固識高

劉向一層

處

未○熄○之○時○百○家○衆○說○未○有○能○出○于○其○閒○者○也○及○周○之○
末○世○先○王○之○教○化○法○度○既○廢○餘○澤○既○熄○世○之○治○方○術○
者○各○得○其○一○偏○故○人○奮○其○私○智○家○尚○其○私○學○者○蠡○起○
于○中○國○皆○明○其○所○長○而○昧○其○短○矜○其○所○得○而○諱○其○失○
天○下○之○士○各○自○爲○方○而○不○能○相○通○世○之○人○不○復○知○夫○
○二○語○見○公○于○道○學○深○矣○

學○之○有○統○道○之○有○歸○也○先○王○之○遺○文○雖○在○皆○絀○而○不○
講○况○至○于○秦○爲○世○之○所○大○禁○哉○漢○興○六○藝○皆○得○于○斷○
絕○殘○脫○之○餘○世○復○無○明○先○王○之○道○以○一○之○者○諸○儒○苟○
見○傳○記○百○家○之○言○皆○悅○而○嚮○之○故○先○王○之○道○爲○衆○說○

王曰此序
本爲新序
作若無此
一句幹入
則不得謂
之有法矣

之所蔽。闇而不明。鬱而不發。而恠奇可喜之論。各師
異見。皆自名家者。誕漫于中國。一切不異于周之末
世。其弊至于今尚在也。自斯以來。天下學者。知折衷
于聖人。而能純于道德之美者。揚雄氏而止耳。如向
之徒。皆不免乎爲衆說之所蔽。而不知有所折衷者
也。孟子曰。待文王而興者。凡民也。豪傑之士。雖無文
王。猶興。漢之士。豈特無明先王之道。以一之者哉。亦
其出于是時者。豪傑之士。少故不能特起于流俗之
中。絕學之後也。蓋向之序。此書于今爲最近古。雖不

茅日子固
到此方不
沒向所著
書之大旨
處

能無失。然遠至舜禹而次及于周秦以來。古人之嘉
言善行。亦往往而在也。要在慎取之而已。故臣既惜
其不可見者。而校其可見者。特詳焉。亦足以知臣之
攻其失。豈好辨哉。臣之所不得已也。

茅鹿門曰。見極正大。文有典刑。

王遵岩曰。南豐文字。于原本經訓處。多用董仲舒。

劉向也。

唐荆川曰。議論極正。貶而後褒。文有開闔。

又曰。貶題格。

說苑目錄序

劉向所著說苑二十篇崇文總目云今存者五篇餘
皆亡臣從士大夫閒得之者十有三篇與舊爲十有
八篇正其脫謬疑者闕之而叙其篇目曰向采傳記
百家所載行事之迹以爲此書奏之欲以爲法戒然
其所取往往有不當于理故不得而不論也夫學者
之○于○道○非○知○其○大○略○之○難○也○知○其○精○微○之○際○固○難○矣○
孔子之徒三千其顯者七十二人皆高世之材也然
獨稱顏氏之子其殆庶幾乎及回死又以謂無好學

者而回亦稱夫子曰。仰之彌高。鑽之彌堅。子貢又以
謂夫子之言性與天道。不可得而聞也。則其精微之
際。固難知久矣。是以取舍不能無失于其閒也。故曰
學然後知不足。豈虛言哉。向之學博矣。其著書及建
言。尤欲有爲于世。至其枉已而爲之者有矣。何其徇
物者多。而自爲者少也。蓋古之聖賢。非不欲有爲也。
然而曰求之有道。得之有命。故孔子所至之邦。必聞
其政。而子貢以謂非夫子之求之也。豈不求之有道
哉。子曰道之將行也。與命也。道之將廢也。與命也。豈

劉曰。以後論向之得失。

不得之有命哉令向知出此安於行止以彼其志能
擇其所學以盡乎精微則其所至未可量也是以孔
子稱古之學者爲已孟子稱君子欲其自得之則取
之左右逢其原豈汲汲於外哉向之得失如此亦學
者之戒也故見之叙論令讀其書者知考而擇之也
然向數困於讒而不改其操與夫患失之者異矣可
謂有志者也

劉二至曰論道至精微說理無腐氣此爲至文所
以堪與六經並傳

入題

唐本作忘其枉已原茅本忘字作至
又多自得之三字合孟子正宗並全

王曰只此
叙題尤可
見作文家
數

列女傳目錄序

劉向所叙列女傳凡八篇事具漢書向列傳而隋書
及崇文總目皆稱向列女傳十五篇曹大家注以頌
義考之蓋大家所注離其七篇爲十四與頌義凡十
五篇而益以陳嬰母及東漢以來凡十六事非向書
本然也蓋向舊書之亡久矣嘉祐中集賢校理蘇頌
始以頌義爲篇次復定其書爲八篇與十五篇者並
藏于館閣而隋書以頌義爲劉歆作與向列傳不合
今驗頌義之文蓋向之自序又藝文志有向列女傳

須識得子

固讀古書

所考訂大

第詳覈如

此

頌圖明非歆作也。自唐之亂古書之在者少矣。而唐志錄列女傳凡十六家。至大家注十五篇者亦無錄。然其書今在則古書之或有錄而亡。或無錄而在者。亦衆矣。非可惜哉。今校讐其八篇。及其十五篇者已定。可繕寫。初漢承秦之敝。風俗已大壞矣。而成帝後宮趙衛之屬。尤自放向。以謂王政必自內始。故列古女善惡。所以致興亡者。以戒天子。此向述作之大意也。其言太任之娠文王也。目不視惡色。耳不聽淫聲。口不出敖言。又以謂古之人胎教者皆如此。夫能正

其○視○聽○言○動○者○此○大○人○之○事○而○有○道○者○之○所○畏○也○顧○
令○天○下○之○女○子○能○之○何○其○盛○也○以○臣○所○聞○蓋○爲○之○師○
傳○保○姆○之○助○詩○書○圖○史○之○戒○珩○璜○琕○瑀○之○節○威○儀○動○
作○之○度○其○教○之○者○雖○有○此○具○然○古○之○君○子○未○嘗○不○以○
身○化○也○故○家○人○之○義○歸○於○反○身○二○南○之○業○本○于○文○王○
夫○豈○自○外○至○哉○世○皆○知○文○王○之○所○以○興○能○得○內○助○而○
不○知○其○所○以○然○者○蓋○本○于○文○王○之○躬○化○故○內○則○后○妃○
有○關○雎○之○行○外○則○羣○臣○有○二○南○之○美○與○之○相○成○其○推○
而○及○遠○則○商○辛○之○昏○俗○江○漢○之○小○國○兔○置○之○野○人○莫○

不好善而不自知。此所謂身脩。故家國天下治者也。後世自學問之士。多徇於外物。而不安其守。其室家。既不見可法。故競於邪侈。豈獨無相成之道哉。士之。苟於自恕。顧利冒耻。而不知反己者。往往以家自累。故也。故曰。身不行道。不行於妻子。信哉。如此人者。非素處顯也。然去二南之風。亦已遠矣。况於南鄉天下之主哉。向之所述勸戒之意。可謂篤矣。然向號博極羣書。而此傳稱詩芣苢。栢舟。大車之類。與今序詩者之說。尤乖異。蓋不可考。至於式微之一篇。又以謂二

人之作。豈其所取者博。故不能無失歟。其言象計謀。殺舜及舜。所以自脫者。頗合于孟子。然此傳或有之。而孟子所不道者。蓋亦不足道也。凡後世諸儒之言。經傳者固多如此。覽者采其有補。而擇其是非可也。故爲之叙論。以發其端云。

王遵岩曰。宋人叙古人集及古人所著書。往往有此家數。然多以考訂次第爲一篇之文。而已不能如先生更有一段大議論。以成其篇也。如後叙鮑溶。李白集。亦不免用其體。蓋小集自不足以發大議論。又適當然耳。茅鹿門曰。子固諸序。並各自爲一段。大議論非諸家所及。而此篇尤深入近程朱之旨矣。丘邦士曰。其馳驟閎肆。全學史記之文。

唐荆川日發題格

原本及十五篇者及字下多其字所以然者所字上脫其字宜從唐茅本增刪

室家

原作家室從各本改

言象

唐茅本言作日

劉曰此段
敘事

蓋徐幹中論目錄序而凡此篇中論復三年喪
臣始見館閣及世所有徐幹中論二十篇以謂盡于
此及觀貞觀政要怪太宗稱常見幹中論復三年喪
篇而今書此篇闕因考之魏志見文帝稱幹著中論
二十餘篇于是知館閣及世所有幹中論二十篇者
非全書也幹字偉長北海人生于漢魏之間魏文帝
稱幹懷文抱質恬澹寡欲有箕山之志而先賢行狀
亦稱幹篤行體道不耽世榮魏太祖特旌命之辭疾
不就後以爲上艾長又以疾不行蓋漢承周衰及秦

以下一句
一轉謂其
書之可重

滅學之餘百氏雜家與聖人之道並傳學者罕能獨
觀于道德之要而不牽于俗儒之說至于治心養性
去就語默之際能不悖于理者固希矣况至于魏之
濁世哉幹獨能考六藝推仲尼孟軻之旨述而論之
求其辭時若有小失者要其歸不合于道者少矣其
所得于內者又能信而克之逡巡濁世有去就顯晦
之大節臣始讀其書察其意而賢之因其書以求其
爲人又知其行之可賢也惜其有補于世而識之者
少蓋迹其言行之所至而以世俗好惡觀之彼惡足

茅曰言有斟酌

以知其意哉。顧臣之力豈足以重其書。使學者尊而信之。因校其脫謬。而序其大畧。蓋所以致臣之意焉。
茅鹿門曰。子固於建安七子之中。獨取徐幹。得之而序文。亦屬典刑。

世俗下從正
宗加之字

可道下約五

而哀文亦與典阮
裴與門曰子固然哉
是子子文中國與
餘俾除之
計文固妙其題題
而以大器蓋視以
姪引之虞源
以映其意猶願出
之豈足以重其
書歟學者尊而

南齊書目錄序

劉曰起得
突兀而一
篇大旨已
見

南齊書八紀十一志四十列傳合五十九篇梁蕭子
顯撰始江淹已爲十志沈約又爲齊紀而子顯自表
武帝別爲此書臣等因校正其訛謬而序其篇目曰
將○以○是○非○得○失○興○壞○理○亂○之○故○而○爲○法○戒○則○必○得○其○
所○託○而○後○能○傳○於○久○此○史○之○所○以○作○也○然○而○所○託○不
得○其○人○則○或○失○其○意○或○亂○其○實○或○析○理○之○不○通○或○設
辭○之○不○善○故○雖○有○殊○功○建○德○非○常○之○跡○將○闡○而○不○章
鬱○而○不○發○而○禱○机○鬼○瑣○奸○回○凶○慝○之○形○可○幸○而○掩○也○

家曰淺學
所不見

曾文定公集 卷六
常試論之。古之所謂良史者。其明必足以周萬事之
理。其道必足以適天下之用。其智必足以通難知之
意。其文必足以發難顯之情。然後其任可得而稱也。
何以知其然邪。昔者唐虞有神明之性。有微妙之德。
使由之者不能知。知之者不能名。以爲治天下之本。
號令之所布。法度之所設。其言至約。其體至備。以爲
治天下之具。而爲二典者。推而明之。所記者。豈獨其
迹邪。并與其渙微之意。而傳之。小大精麤。無不盡也。
本末先後。無不自也。使誦其說者。如出乎其時。求其

旨者如卽乎其人。是可。不。謂。明。足。以。周。萬。事。之。理。道。
足。以。適。天。下。之。用。智。足。以。通。難。知。之。意。文。足。以。發。難。
顯。之。情。者。乎。則。方。是。時。豈。特。任。政。者。皆。天。下。之。士。哉。
蓋。執。簡。操。筆。而。隨。者。亦。皆。聖。人。之。徒。也。兩。漢。以。來。爲。
史。者。去。之。遠。矣。司。馬。遷。從。五。帝。三。王。旣。沒。數。千。載。之。
後。秦。火。之。餘。因。散。絕。殘。脫。之。經。以。及。傳。記。百。家。之。說。
區。區。掇。拾。以。集。著。其。善。惡。之。迹。興。廢。之。端。又。創。己。意。
以。爲。本。紀。世。家。八。書。列。傳。之。文。斯。亦。可。謂。奇。矣。然。而。
蔽。害。天。下。之。聖。法。是。非。顛。倒。而。採。摭。謬。亂。者。亦。豈。少。

哉。是豈可不謂明不足以周萬事之理。道不足以適天下之用。智不足以通難知之意。文不足以發難顯之情者乎。夫自三代以後爲史者如遷之文亦不可不謂雋偉拔出之才。非常之士也。然顧以謂明不足以周萬事之理。道不足以適天下之用。智不足以通難知之意。文不足以發難顯之情者。何哉。蓋聖賢之高致。遷固有不能純達其情而見之於後者矣。故不得而與之也。遷之得失如此。況其他邪。至於宋齊梁陳後魏後周之書。蓋無以議爲也。子顯之於斯文喜。

自馳騁。其更改破析。刻雕藻績之變尤多。而其文益
下。豈夫材固不可以強。而有邪。數世之史。既然故其
事迹曖昧。雖有隨世以就功名之君。相與合謀之臣。
未有赫然得傾動天下之耳目。播天下之口者也。而
一時偷奪傾危。悖理反義之人。亦幸而不暴著於世。
豈非所託不得其人。故邪。可不惜哉。蓋史者所以明
夫治天下之道也。故爲之者。亦必天下之材。然後其
任可得而稱也。豈可忽哉。豈可忽哉。

茅鹿門曰。論史家得失處如掌。

袁氏楓窻小牘曰。家大人常謂會子固南齊書序

是一部十七史序不可不熟看

劉二至曰三代以上史與經合經史分而史敝矣
小大精粗本末先後了了透徹方可作史非漢于
經學者不能道隻字

唐荆川曰立說格

此序原本脫譌極多俱從唐茅本正之

梁書目錄序

梁書六本紀五十列傳合五十六篇唐貞觀三年詔
右散騎常侍姚思廉撰思廉者梁史官察之子推其
父意又頗采諸儒謝吳等所記以成此書臣等既校
正其文字又集次爲目錄一篇而序之曰自先王之
道不明百家竝起佛最晚出爲中國之患而在梁爲
尤甚故不得而不論也蓋佛之徒自以謂吾之所得
者內而世之論佛者皆外也故不可絀雖然彼惡睹
聖人之內哉書曰思曰睿睿作聖蓋思者所以致其

知也。能致其知者。察三才之道。辨萬物之理。小大精粗。無不盡也。此之謂窮理。知之至也。知至矣。則在我者之足貴。在彼者之不足玩。未有不能明之者也有知之之明。而不能好之。未可也。故加之誠心。以好之。有好之之心。而不能樂之。未可也。故加之至意。以樂之。能樂之。則能安之矣。如是。則萬物之自外至者。安能累我哉。萬物之所不能累。固吾之所以盡其性也。能盡其性。則誠矣。誠者。成也不惑也。既誠矣。必克之。使可大焉。既大矣。必推之。使可化焉。能化矣。則含智。

劉曰揭出
日用彞倫
佛氏堅壘
不攻自破

之民肖翹之物有待于我者莫不由之以全其性遂
其宜而吾之用與天地參矣德如此其至也而應乎
外者未嘗不與人同此吾之道所以爲天下之通道
也故與之爲衣冠飲食冠婚喪祭之具而由之以教
其爲君臣父子兄弟夫婦者莫不一出乎人情與之
同其吉凶而防其憂患者莫不一出乎人理故與之
處而安且治之所集也危且亂之所去也與之所處
者其具如此使之化者其德如彼可不謂聖矣乎旣
聖矣則無思也其至者循理而已無爲也其動者應

通字從正宗文編

五日此等
文法漢唐
以來未有
可謂極精
極古至南
渡後祖述
用之令人
觀之已熟
遂不覺其
差耳

物而已。是以覆露乎萬物。鼓舞乎羣衆。而未有能測
之者。也可不謂神矣。乎神也者。至妙而不息者也。此
聖人之內也。聖人者。道之極也。佛之說。其有以易此
乎。求其有以易此者。故其所以爲失也。夫得于內者。
名○言○至○論未○有○不○可○行○于○外○也○有○不○可○行○於○外○者○斯○不○得○於○內
矣。易曰。智周乎萬物。而道濟乎天下。故不過此聖人
所以兩得之也。知足以知一偏。而不足以盡萬事之
理。道足以爲一方。而不足以適天下之川。此百家之
所以兩失之也。佛之失。其不以此乎。則佛之徒。自以

原梁書以
佛法立論
可見其用
意而在梁
尤甚因梁
之事二句
乃幹入題
目之法

謂得諸內者亦可謂妄矣。夫學史者將以明一代之得失也。臣等故因梁之事而為著聖人之所以得及佛之所以失以傳之者。使知君子之所以距佛者非外而有志于內者。庶不以此而易彼也。

原本才說材處者上所字衍依文編改正

唐荆川曰通篇俱說聖人之內而所以攻佛者不過數句。又曰立說格

王遵岩曰原道文字雄健傑特亘古無倫然說佛之失不能如是其稱吾道大旨亦不能如是精也。茅鹿門曰以內字論佛之旨頗非是蓋佛原非以吾儒之外而彼自識其內也彼只見自家本來原無一物故欲了當本性耳欲見本性故將一切聲色臭味香法多為丟去耳而非以狗內故也。丘邦士曰按此篇茅評殊非是佛之所見本只見內到說非內非外非中閒不過其詞既遁而窮遂

設爲此詞以誣人正是自遁其踪跡使人不得以捉摸耳此文可謂得大學中庸之要而董生之大原雄之立退之之原道永叔之本論皆足以包籠而出之有要矣論理之文以此爲極至○茅順甫謂彼只見自家本來原無一物這便只見內一邊劉二至曰吾儒率性至于天地位萬物育此爲內外合一之學佛氏明心見性究不能行之於外其所謂心性者非也湯敦實曰此序與原道本論真堪鼎峙程朱以前見理明而立論透者此其最也愚按由漢迄唐宋佛教浸淫狂瀾不可迴矣公獨倡明聖道透闢心性內外之旨闡發致知窮理之要而歸宿于盡性達道治亂安危之大洵孟韓而後一人而已同時如歐公所見略同而論道精微公更有獨得處故序記文字凡論釋道家每爲世道人心防範吾儒固當表而述之而明季諸儒惑溺禪宗更甚于晉之崇尚老莊清談誤國宜乎鹿門先生以公論佛之旨爲見淺也

陳書目錄序

陳書六本紀三十列傳凡三十六篇唐散騎常侍姚思廉謨始思廉父察梁陳之史官也錄二代之事未就而陳亡隋文帝見察甚重之每就察訪梁陳故事察因以所論載每一篇成輒奏之而文帝亦遣虞世基就察求其書又未就而察死察之將死屬思廉以繼其業唐興武德五年高祖以自魏至宋二百餘歲世統數更史事放逸乃詔論次而思廉遂受詔爲陳書久之猶不就貞觀三年遂詔論謨於秘書內省十

年正月壬子始上之。觀察等之爲此書。歷三世傳父子更數十歲而後乃成。蓋其難如此。然及其旣成。與

魏

宋齊梁等書世亦傳之者少。故學者於其行事之迹。

呂本無之字

而

亦罕得而詳之也。其書亦以罕傳。則自秘府所藏往

往脫誤。嘉祐六年八月始詔校讐。使可鏤版行之。天

下而臣等言梁陳等書缺。獨館閣所藏恐不足以定

著。願詔京師及州縣藏書之家。使悉上之。先皇帝爲

下其事。至七年冬稍稍始集。臣等以相校。至八年七

月陳書三十六篇者始校定。可傳之學者。其疑者亦

事曰以上
俱詳次陳

書之所由

成本末

以下繼次

陳書之所

以不可廢

處

到此是作

家

立言有辭

四

不敢稍損益。特各疏于篇末。其書舊無目。列傳名氏
多闕。謬因別爲目錄一篇。使覽者得詳焉。夫陳之爲
陳。蓋偷爲一切之計。非有先王經紀禮義風俗之美。
制治之法。可章示後世。然而兼權尚計。明于任使。恭
儉愛人。則其始之所以興。惑於邪臣。溺於嬖妾。忘患
縱欲。則其終之所以亡。興亡之端。莫非自己。致者至
於有所因造。以爲號令。威刑。職官。州郡之制。雖其事
已淺。然亦各施於一時。皆學者之所不可不考也。而
當時之士。爭奪詐僞。苟得偷合之徒。尚不得不列以

爲世戒。而況於壞亂之中。倉皇之際。士之安貧樂義。取舍去就。不爲禍患勢利動其心者。亦不絕於其間。若此人乎。可謂篤于善矣。蓋古人之所思見。而不可得。風雨之詩。所爲作者也。安可使之泯泯不少槩見于天下哉。則陳之史。其可廢乎。蓋此書成之既難。其後又久不顯。及宋興已百年。古文遺事靡不畢講。而始得盛行于天下。列于學宮。其傳之之難。又如此。豈非遭遇固自有時也哉。

原本茅本。魏下脫齊字。真書上脫而字。損上多稍字。應從文鑑增刪。學宮字。譌作者。應從通考改。

茅鹿門曰。文屬典刑。不爲風波。而自可賞。俯愚按。叙其成與傳之難。而論興亡勸戒處。極婉切。

唐令目錄序

唐令三十篇以常員定職官之任以府衛設師徒之
備以口分永業爲授田之法以租庸調爲斂財役民
之制雖未及三代之政然亦庶幾乎先王之意矣後
世從事者多率其私見故聖賢之道廢而苟簡之術
用太宗能超然遠覽紂封倫而納鄭公之議其爲國
家天下之意故能及此而當是之時遂成太平之功
使○能○推○其○類○盡○其○道○則○唐○之○治○豈○難○至○于○三○代○之○盛○
哉○讀○其○書○嘉○其○制○度○有○庶○幾○于○古○者○而○惜○不○復○行○也○

故掇其大要可紀者論之於此焉

劉二至曰短幅大有蘊藉

禮閣新儀目錄序

唐荆川曰變體又曰反復格

瀆編曰困學紀聞云禮閣新儀則指新法襄州長渠記則指水利兵閒詩則指徐德占論交詩則指呂吉甫按南豐嘗作懷友以遺荆公公答以同學荆公答段縫書爲南豐辨謗南豐亦薦荆公于蔡學士其相知如此後荆公得志而不爲苟同又如此子固真君子人也

原本所好下無著字宋嘗與上無亦字推其如此推作惟茅本作知得已上有可字耳上無其字于一代上無著字並從文編正宗正之

禮閣新儀目錄序

唐荆川曰

此文一意

翻作兩段

說

王遵崖曰

此類文皆

一一有法

無一字苟

觀文者不

可忽此

茅鹿門曰

子固所論

經術及典

禮之大處

往往非韓

柳歐所及

禮閣新儀三十篇韋公肅撰記開元以後至元和之
變禮史館秘閣及臣書皆三十篇集賢院書二十篇
以參相校讐史館秘閣及臣書多複重其篇少者八
集賢院書獨具然臣書有目錄一篇以考其次序蓋
此書本三十篇則集賢院書雖具然其篇次亦亂既
正其脫謬因定著從目錄而禮閣新儀三十篇復完
○茅○曰○名○言○
夫禮者其本在於養人之性而其用在於言動視聽
之閒使人之言動視聽一于禮則安有放其邪心而

見者

王曰此序
與梁書序
相類而此
爲疎通痛
快
茅曰古者
禮制之興
原如此

窮于外物哉。不放其邪心。不窮於外物。則禍亂可息。而財用可克。其立意微。其爲法遠矣。故設其器制。其物爲其數。立其文。以待其有事者。皆人之起居出入。吉凶哀樂之具。所謂其用在乎言動視聽之間者也。然而古今之變不同。而俗之便習亦異。則法制度數。其久而不能無弊者。勢固然也。故爲禮者。其始莫不宜於當世。而其後多失。而難遵。亦其理然也。失則必改制。以求其當。故羲農以來。至于三代。禮未嘗同也。後世去三代。蓋千有餘歲。其所遭之變。所習之便。不

禮制之不行則犯法衆而刑以之滋乎

同固已遠矣而議者不原聖人制作之方乃謂設其器制其物爲其數立其文以待其有事而爲其起居出入吉凶哀樂之具者當一一以追先王之迹然後禮可得而興也至其說之不可求其制之不可考或不宜于人不合于用則寧至于漠然而不敢爲使人之言動視聽之閒蕩然莫之爲節至患夫爲罪者之不止則繁于爲法以禦之故法至于不勝其繁而犯者亦至于不勝其衆豈不惑哉蓋上世聖人有爲耒耜者或不爲宮室爲舟車者或不爲棺槨豈其智不

足爲哉。以謂人之所未病者。不必改也。至于後聖有爲宮室者。不以土處爲不可變也。爲棺槨者。不以葛溝爲不可易也。豈好爲相反哉。以謂人之所旣病者。不可因也。又至于後聖。則有設兩觀而更采椽之質。攻文梓而易瓦棺之素。豈不能從儉哉。以謂人情之所好。能爲之節而不能變也。由是觀之。古今之變不同。而俗之便習亦異。則亦屢變其法以宜之。何必一一以追先王之迹哉。其要在于養民之性。防民之欲者。本末先後。能合乎先王之意而已。此制作之方也。

禮之原如
此

以上二者
後世之所
以失也

故瓦樽之尚而薄酒之用太羹之先而庶羞之飽一
以爲貴本一以爲親用則知有聖人作而爲後世之
禮者必貴俎豆而今之器用不廢也先弁冕而今之
衣服不禁也其推之皆然然後其所改易更革不至
乎拂天下之勢駭天下之情而固已合乎先王之意
矣是以義農以來至于三代禮未嘗同而制作之如
此者未嘗異也後世不惟其如此而或至于不敢爲
或爲之者特出于其勢之不可得已故苟簡而不能
備希闊而不常行又不過用之于上而未有加之于

子固所言

千古隻眼

處

言有斟酌

民○者○也○故○其○禮○本○在○于○養○人○之○性○而○其○用○在○于○言○動○
視○聽○之○閒○者○歷○千○餘○歲○民○未○嘗○得○接○其○耳○目○况○于○服○
習○而○安○之○者○乎○至○其○陷○於○罪○戾○則○繁○於○爲○法○以○禦○之○
其○亦○不○仁○也○哉○此○書○所○紀○雖○其○事○已○淺○然○凡○世○之○記○
禮○者○亦○皆○有○所○本○而○一○時○之○得○失○具○焉○昔○孔○子○于○告○
朔○愛○其○禮○之○存○况○著○一○代○之○典○籍○哉○故○其○書○不○得○不○
貴○因○爲○之○定○著○以○俟○夫○論○禮○者○考○而○擇○焉○

丘邦士曰文字最難複說看此篇兩段複說處深厚委悉卽愚所謂優孟代叔敖歌碑本與他本所載稍易一二字而意思各出不同且此文互爲呼應尤具深長之味也氣體多得之班馬書志中來

太祖皇帝總序

并進狀

右臣誤被聖恩付以史事。今月三日延和殿伏蒙
面諭所以任屬臣者。臣愚不肖。不知所處。是以蚤
夜一心。極慮惟祖宗積累功德。非可形容。矧臣之
鄙。豈能擬議。髣髴將無以使列聖巍巍之偉跡。焜
耀昭徹。布在方冊。此臣之所以惴惴也。竊惟前世
原大推功。必始于受命之君。以明王迹之所自。故
商頌所紀。繇湯上至於契。周詩生民。清廟本于后
稷。文王宋興。太祖開建鴻業。更立三才爲帝者首。

陛下所以命臣顯揚褒大之意，固以謂太祖雄才
大略，千載以來特起之主，國家所繇興無前之烈，
宜明白暴見，以覺悟萬世，傳之無窮。臣竊考舊聞，
伏念旬月，次輯太祖行事，揆其指意所出，終始之
際，論著于篇，敢繕寫上塵。臣內自省，大懼智不足
以窺測高遠，文不足以推闡精微，使先帝成功盛
德，晦昧不章，不能滿足陛下仁孝繼述之心，仰負
恩待，無以自贖。伏惟陛下聰明睿智，不世之姿，非
羣臣所能望。如賜裁定，使臣獲受成法，更去紕繆。

存其可采。繫于太祖本紀篇末。以爲國史書首。以
稱明詔萬分之一。臣不勝大願。惟陛下留意萬幸。
臣未敢請對。謹具狀以所論著。隨狀上進。以聞。伏
候敕旨。

蓋唐之敝。自天寶已後。紀綱寢壞。不能自振。以至於
失天下。五代興起。五十餘年之間。更八姓。十有四君。
危亡之變數矣。其尤甚也。契丹遂入中國。擅立名號。
當是時。天地五行人事之理。反易繆亂。不同夷狄者。
亡幾耳。太祖爲天下所戴。踐尊位。以生民爲任。故勸

農桑薄賦歛○緩刑罰○除舊政之不便民者○詔令勉覈
相屬○推其心○無一日不在百姓也○知方鎮之病民也○
故設通判之員○使斂以繩墨○憂吏之不良也○故數使
在位○舉其所知○患吏或受賕或不奉法也○故罪至死
徙○一無所貸○原其意○蓋以謂遭世大衰○不如是吏不
知禁○不能救民於焚溺之中也○征伐旣下○諸國必先
已○逋欠滌煩苛○賙乏絕○雪冤滯○惠農民○拔人才○申命
郡邑○反復不倦○或遇水旱○輒蔬食請禱○欲移災於已
其於羣臣有恩舊有勞能待之各盡其分○以位貴之○

以財富之有男使尚主有女使嫁宗室其予人之周也如此卽才可用雖讐不廢不可用雖光顯矣不處以勢其有罪多縱貸之或賜之使自愧及至堅明約束以整齊天下者亦使之不能踰也強僭之國皆接以恩禮商賈往來不禁有出境犯其令者乃爲之置市邊邑使兩利有所乏少常振助之征伐所加必其罪暴著師出未嘗不以義也其君長已降及就俘執道路勞問迎致使者相望旣至罪不數辱之優假秩祿及其宗親吏屬賜以田宅使子孫世守擁護保全

畢來學敘來絕無重複句注

事類作不罪數

皆得以壽考終。自晉旣覆滅契丹。寢大中國惴畏。不敢當太祖拔用材武。護西北邊。寵以非常之恩。任屬專聽信。明常遣戍卒戒之曰。我猶赦汝。郭進殺汝矣。有訟進者。謂曰。進軍政嚴。此必犯進法。送進使殺之。關市租賦。諸將得恣用。不問出入。以其故士附鬪者。盡力謀者。盡情邊臣。可委者。皆十餘年不易其任。然位不過巡檢使。衆不過三五百人。蓋任專則勢便。位不極則士勵。兵少則用約。御將亦多術矣。總其所長。能兼用之。故能省費息民。振新集之衆。屈憑陵之虜。

○語○約○而○意○盡○

忠日文細
敘一

也。蓋太祖篤于孝友，有天下之行，聰明智勇，有天下之材，仁心愛人，有天下之志，包含徧覆，有天下之量。守之以勤儉恭慎，虛心納諫，鑒於越蜀以奢侈爲戒。思天下之重，不復遊畋，封拜諸子，務自約損，不盡循故典，收納學士大夫，用之不求其備，或守難進之節，亦不奪也。晚喜讀書，勸諸將以學，曰：「欲使之知治道也，兼覆夷夏，從容以德。」江南平，覽捷書而泣，曰：「師征不義，而顧令吾民死，彼何負哉？」秦州已入，尚波干之地，却而不受，錢俶來朝，復歸之。越契丹，願聽盟約。

盧日忽敘
忽綿章法
絕古

逡巡退抑不自矜伐天下大勢連數十城之鎮割其
故地以小其力易動難畜之兵斂置懷服以消其難
至于舉賢良崇孝弟綴禮樂明考課雖宇內初輯然
庶政大體彌綸備具遺文故事施于後世皆可爲法
民於是時從死更生室家相保士農工賈各還其職
鳥獸草木亦莫不遂前世舊臣備將相處腹心爪牙
之任者一旦回心奉令北鄉如素委質天下廣都通
邑兼地千里德懷二三之臣負衆自用令之不從召
之不至者尚數十皆束衽來庭代易奔走如水湊下

粵蜀吳楚甌閩之君分天下爲八九曰帝曰王傳子
若孫更數十歲者編名囚虜並聚闕下四海之內混
齊爲一海東之國高麗極南交趾西戎吐蕃回紇北
狄契丹皆請吏奉貢天地所養通途之屬莫不內附
當是時更立天下與民爲始天地五行人事之理亂
而復正蓋太祖之于受命非如前世之君圖衆以智
圖柄以力其處心積慮非一夕一日在於取天下也
其在天者曆數在人者羣臣萬民三軍之士不歸周
歸太祖未有知其所以然者所謂天也及其傳天下

確切

王曰南豐
之文最得
班氏之法
此類尤可

見

也。舍子屬弟。是則太祖之受天下。與舜受之堯。禹受之舜。其揆一也。其傳天下。與堯傳之舜。舜傳之禹。其揆一也。受天下及傳天下。視天與人而已。非其心未嘗有天下。豈能如是哉。世以謂太祖不世出之主。與漢高祖同。蓋太祖爲人有大度。意豁如也。知人善任。使與漢高祖同固然也。太祖承自天寶以後。更五代二百餘年。極敝之天下。漢祖承全盛之秦二世之末。天下始亂。所因之勢。旣殊。太祖開皇帝業。作則垂憲。後常可行。漢祖粗定海內而已。不及一太祖立折杖。

法○脫民榜笞死禍○定著常刑○一本寬大○漢祖雖約法
三章○然肉刑三族之誅○至孝文始去○不及二太祖功
臣○皆故等夷○及位定○上下相安○始終一意○漢祖疑間
諸將○夷滅其家○不及三太祖削大弱○強藩臣○遵職○漢
祖封國○過制反者○更起累世○乃定○不及四太祖征伐
必克○漢祖數戰○輒北○不及五太祖文武自出○羣臣莫
及○漢祖非得三傑之助○不得無失○不及六開寶之初
南海先下○趙佗分越而帝○漢祖不能禁○不及七太祖
不用兵革○契丹自附○漢祖折戾白登○身僅免禍○不及

八太祖後宮二百問願歸者復去四之一漢祖溺於
衽席女禍及宗不及九太祖明於大計以屬天下漢
祖擇嗣不審幾墜厥世不及十也漢祖所不能及其
大者如此是自三代以來撥亂之主未有及太祖也
三代盛矣然禹之孫太康失國湯之孫太甲放廢文
武之後世三傳昭王不返於楚繇漢以下變故之密
蓋不可勝道也太祖經始大基流風遺澤所被者遠
五聖遵業至今百有二十餘年上下和樂無變容動
色之慮接於耳目治安久長自三代主以來所未有也

維太祖總創始傳後比迹堯舜。綱理天下。軼于漢祖太

平之業。施於無窮。三代所不及。成功盛德。其至矣哉。

○盧日以功○德二字收○

蓋唐天寶十四年。天下戶八百九十一萬。太祖元年。戶九十六萬。末年。天下既定。戶三百九萬。今上元豐二年。戶一千三百九十一萬。六聖之德。澤覆露生。養斯其所以盛也。本原事實。其所繇致。此有自也哉。

唐荆川曰。此等大文字。當看其布置處。南豐有滄州上殿劄子。皆與此意同。并可與歐公仁宗御集

序參之

茅鹿門曰。曾子獨見其論宋祖與漢高兩相折衷

處如截鐵

盧文子曰。公以宋祖爲亘古一人。亦是頌揚本朝

體而文氣典古直與班固相上下後幅衡論更精
唐曰類事格

類要序

晏元獻公出東南起童子入秘閣讀書遂贊名命入翰林爲學士真宗特寵待之每進見勞問及所以任屬之者羣臣莫能及皇太子就書學公以選入侍太子卽皇帝位是爲仁宗公遂筦國樞要任政事位宰相其在朝廷五十餘年常以文學謀議爲任所爲賦頌銘碑制詔冊命書奏議論之文傳天下尤長于詩天下皆吟誦之當真宗之世天下無事方輯福應推功德修封禪及后土山川老子諸祠以報禮上下左

右前後之臣。非工儒學。妙于語言。能討論古今。潤色
太平之業者。不能稱其位。公于是時。爲學者宗。天下
慕其聲名。人見公。應于外者。之不窮。而不知公之得
于內者。深也。及得公所爲類要。上中下帙。總七十四
篇。凡若干門。皆公所手抄。廼知公於六藝太史百家
之言。騷人墨客之文章。至於地志族譜佛老方伎之
衆說。旁及九州之外蠻夷荒忽詭變奇跡之序錄。皆
披尋紬繹。而于三才萬物變化情僞。是非興壞之理。
顯隱細鉅之委曲。莫不究盡。公之得于內者。在此也。

公○之○所○以○光○顯○于○世○者○有○以○哉○。○觀○公○之○所○自○致○者○如○
此○則○知○士○不○素○學○而○處○從○官○大○臣○之○列○備○文○儒○道○德○
之○任○其○能○不○餒○且○病○乎○此○公○之○書○所○以○爲○可○傳○也○。○公○
之○子○知○止○能○守○其○家○者○也○。○以○書○屬○予○序○。○予○與○公○仕○不○
並○時○。○然○皆○臨○川○人○。○故○爲○之○論○次○。○以○爲○公○書○諸○首○。

愚按序晏公書而歷述生平寵遇又推本其學之博讀書有得于內所以可傳

茅鹿門曰其書之所纂本微淺而公序之亦難爲措注故其旨不遠

丘邦士曰著語極斟酌卽斟酌深淺處爲文字中間層次有深通茂閒淺深具見之妙便是能手

四人范貫之奏議集序

尚書戶部郎中直龍圖閣范公貫之之奏議凡若干
篇其子世京集爲十卷而屬予序之蓋自至和以後
十餘年閒公常以言事任職自天子大臣至於羣下
自掖庭至於四方幽隱一有得失善惡關於政理公
無不極意反復爲上力言或矯拂情欲或切劘計慮
或辨別忠佞而處其進退章有一再或至于十餘上
事有陰爭獨陳或悉引諫官御史合議肆言仁宗常
虛心采納爲之變命令更廢舉近或立從遠或越月

予日看他
這幾或字
議論卽儘
圓活指迷

踰時或至于其後卒皆聽用蓋當是時仁宗在位歲
久熟于人事之情偽與羣臣之能否方以仁厚清靜
休養元元至于是非與奪則一歸之公議而不自用
也其所引拔以言爲職者如公皆一時之選而公與
同時之士亦皆樂得其言不曲從苟止故天下之情
因得畢聞于上而事之害理者常不果行至於奇袤
恣睢有爲之者亦輒敗悔故當此之時常委事七八
大臣而朝政無大闕失羣公奉法遵職海內乂安夫
因人而不自用者天也仁宗之所以其仁如天至于

享國四十餘年能承太平之業者繇是而已後世得

公之遺文而論其世見其上下之際相成如此必將

一○一○唱○三○歎○之○遺○音○

低回感慕有不可及之歎然後知其時之難得則公

言之不沒豈獨見其志所以明先帝之盛德於無窮

也公爲人溫良慈恕其從政寬易愛人及在朝廷危

言正色人有所不能及也凡同時與公有言責者後

多至大官而公獨蚤卒公諱師道其世次州里歷官

行事有今資政殿學士趙公抃爲公之墓誌銘云

朱晦菴曰氣脉渾厚說得仁宗好
王遵岩曰沈著頓剡光采自露且序人奏議發明

直氣切諫而能形容聖朝之氣象治世之精華真
大家數手段如蘇公叙田錫奏議亦有此意然其
詞過于俊爽而氣輕味促
茅鹿門曰須覽公所序奏議之忠直而能本朝廷
所以容忠直處纔是法家
王惟夏日叙范公奏議雖盛陳其極諫之功却力
頌仁宗納諫之美且并及同時之士或引御史合
議肆言或稱七八大臣隱隱見相成有人不獨范
公奏議之力而范公效力其間亦一時之選也頌
揚有體雖極渾融而微意自在大手筆之妙也
丘邦士曰其文亦渾涵亦天矯惟其渾涵故能天
矯而不著天矯之迹而鬱然爲自高自深之文
續編云師道蘇州長洲人進士及第累遷都官員外郎典貢舉爲御史以論事忤劉沆出知常州徙
廣南東路轉運使改兩浙遷起居舍人同知諫院遷兵部員外郎兼侍御史知雜事判都水監出知
福州以工部郎中入爲三司鹽鐵副使以病遷直龍圖閣卒師道厲風操前後在言責有聞如論諸
閣文御遷擢太多此其尤切直者然仁宗每優容之
唐本末無銘字

嗚呼

王深甫文集序

深甫吾友也。姓王氏。諱回。當先王之迹熄。六藝殘缺。道術衰微。天下學者無所折衷。深甫于是奮然獨起。因先王之遺文。以求其意。得之于心。行之于已。其動止語默。必考于法度。而窮達得喪。不易其志也。文集二十卷。其辭反復辨達。有所開闡。其卒蓋將歸於簡也。其破去百家傳注。推散缺不全之經。以明聖人之道。于千載之後。所以振斯文於將墜。回學者於既溺。可謂道德之要言。非世之別集而已也。後之潛心于

聖人者將必由是而有得。則其于世教豈小補之而已哉。嗚呼深甫其志方強其德方進而不幸死矣。故其澤不加于天下而其言止于此。然觀其所攷者。豈非孟子所謂名世者歟。其文有片言半簡。非大義所存。皆附而不去者。所以明深甫之于其細行。皆可傳于世也。深甫福州侯官縣人。今家於潁。嘗舉進士中其科。爲亳州衛真縣主簿。未一歲棄去。遂不復仕。卒于治平二年之七月二十八日。年四十有三。天子嘗以某軍節度推官知陳州南頓縣事。就其家命之。而

序曰有餘○悲
深甫既卒矣

丘邦士曰推原反覆如游名山大勝境○此亦
以連用其字見意與王平甫文集序同平甫序更
參差曲盡而此則大成片段也

序

三十七

卷之六曲盡而此限大知共知也

止決土日其原以要吸也各山大而無射○此本

新由利卒矣

孫曰目一篇之意

先發明文理之一

其與王子直文集序

至治之極教化既成道德同而風俗一言理者雖異人殊世未嘗不同其指何則理當故無二也是以詩書之文自唐虞以來至秦魯之際其相去千餘載其作者非一人至於其間嘗更衰亂然學者尚蒙餘澤雖其文數萬而其所發明更相表裏如一人之說不知時世之遠作者之衆也嗚呼上下之間漸磨陶冶至於如此豈非盛哉自三代教養之法廢先王之澤熄學者人人異見而諸子各自爲家豈其固相反哉

理字一步

換

文喚

又發明文

章之重

曾文定公集 卷之六
不○當○于○理○故○不○能○一○也○由○漢○以○來○益○遠○于○治○故○學○者○
雖○有○魁○奇○拔○出○之○材○而○其○文○能○馳○騁○上○下○偉○麗○可○喜○
者○甚○衆○然○是○非○取○舍○不○當○于○聖○人○之○意○者○亦○已○多○矣○
故○其○說○未○嘗○一○而○聖○人○之○道○未○嘗○明○也○士○之○生○于○是○
時○其○言○能○當○于○理○者○亦○可○謂○難○矣○由○是○觀○之○則○文○章○
之○得○失○豈○不○繫○於○治○亂○哉○長○樂○王○向○字○子○直○少○已○著○
文○數○萬○言○與○其○兄○弟○俱○名○聞○于○天○下○可○謂○魁○奇○拔○出○
之○材○而○其○文○能○馳○騁○上○下○偉○麗○可○喜○者○也○讀○其○書○知○
其○與○漢○以○來○名○能○文○者○俱○列○于○作○者○之○林○未○知○其○孰○

字斟句酌

東理字

茅曰安頓

王子直

先孰後攷其意不當于理亦少矣然子直晚自以爲
不足而悔其少作更欲窮探力取極聖人之指要盛
行則欲發而見之事業窮居則欲推而托於之文章將
與詩書之作者竝而又未知孰先孰後也然不幸蚤
世故雖有難得之材獨立之志而不得及其成就此
吾徒與子直之兄回字深甫所以深恨于斯人也子
直官世行治深甫已爲之銘而集其數萬言者屬予
爲序予觀子直之所自見者已足暴於世矣故特爲
之序其志云

茅鹿門曰意見好

鍾伯敬曰亦不乏稱揚到底文如其人而止須細

觀其幹旋之妙

丘邦士曰其天矯縱恣逸態橫生皆于含吐不盡

中見之此于史歐真成一派之文

孫執升曰子固序新序提道字爲主此篇提理字

爲主皆深識獨見之言而行文紆徐頓折姿致宕

逸又屬餘事

愚按說到當理無二窺見著書大旨至論文章關

乎治亂包括古今作者亦是確有所見而揄揚王

子直處卽于點綴見之

文章

茅本上有於字

文章

劉曰自得
二字生平

王容季文集序

敘事莫如書其在堯典述命羲和宅土測日星候氣
揆民緩急兼蠻夷鳥獸其裁成輔相備三才萬物之
理以治百官授萬民興衆功可謂博矣然其言不過
數十其于舜典則曰在璇璣玉衡以齊七政蓋堯之
時觀天以曆象至舜又察之璣衡聖人之法至後世
益備也曰宅者則日月五星曰政者則羲和之所治
無不任焉其體至大蓋一言而盡可謂微矣其言微
故學者所不得不盡心能盡心然後能自得之此所

學問在此

歷叙古人
正爲總序
王氏兄弟
地照應有

法

以爲經而歷千餘年蓋能得之者少也易詩禮春秋
論語皆然其曰測之而益深窮之而益遠信也世旣
衰能言者益少承孔子者孟子而已知孟子者楊子
而已揚子之稱孟子曰知言之要知德之奧若揚子
則亦可以幾乎此矣其次能叙事使可行于遠者若
子夏左丘明司馬遷韓愈亦可謂拔出之材其言庶
乎有益者也吾友王氏兄弟曰回深甫曰向子直曰
閻容季皆善屬文長于叙事深甫尤深而子直容季
蓋能稱其兄者也皆可謂拔出之材令其克壽得就

應起句

其志則將紹六藝之遺言其可禦哉予嘗序深甫子
直之文銘容季之墓而容季之兄固子堅又集容季
之遺稿屬予序之予憫俗之媮朋友故舊道缺不自
知其不能強次是說以爲容季文集序

結得有精○神有關係

劉二至曰先生之文如高山大川蒼蒼滔滔莫測
起止此如峻崖湍流登涉者未易進步

致此... 至... 文... 取... 山... 大... 事... 食... 而... 足...
... 不... 足... 大... 異... 歸... 以... 為... 容... 季... 文... 兼... 皇...
... 文... 辭... 訓... 于... 以... 文... 于... 斷... 谷... 之... 餘... 照... 文... 好... 善... 與... 婦... 不... 白...
... 文... 辭... 容... 季... 文... 兼... 皇... 容... 季... 文... 兼... 皇...
... 志... 與... 與... 大... 義... 其... 正... 照... 時... 季... 善... 氣... 和... 甫... 子...

王平甫文集序

王平甫既沒其家集其遺文爲百卷屬予序平甫自少已傑然以材高見於世爲文思若決河語出驚人一時爭傳誦之其學問尤敏而資之以不倦至晚愈篤博覽強記于書無所不通其明于是非得失之理爲尤詳其文閎富典重其詩博而深矣自周衰先王之遺文旣喪漢興文學猶爲近古及其衰而陵夷盡矣至唐久之而能言之士始幾于漢及其衰而遂泯泯矣宋受命百有餘年天下文章復侔于漢唐之盛

蓋自周衰至今千有餘歲斯文濱於泯滅能自拔起
以追于古者此三世而已各于其盛時士之能以特
見於世者率常不過三數人其世之不數其人之難
得如此平甫之文能特見于世者也世皆謂平甫之
詩宜爲樂謠薦之郊廟其文宜爲典冊施諸朝廷而
不得用于世然推其實千歲之日不爲不多焦心思
于翰墨之間者不爲不衆在富貴之位者未嘗一日
而無其人彼皆湮滅而無傳或播其醜於後平甫乃
躬難得之姿負特見之能自立于不朽雖不得其志

然其文之可貴人亦莫得而揜也則平甫之求于內
亦奚憾乎古今作者或能文不必工於詩或長於詩
不必有文平甫獨兼得之其於詩尤自喜其憂喜哀
樂感激怨懟之情一於詩見之故詩尤多也平甫居
家孝友爲人質直簡易遇人豁然推腹心不爲毫髮
疑礙與人交于恩意尤篤也其死之日天下識與不
識皆聞而哀之其州里世次歷官行事將有待于識
平甫之塋者故不著于此云

茅鹿門日以詩文相感慨
唐荆川曰文一滾說不立閒架

丘邦士曰唐評妙甚于此見子固能以無法爲法
得霍嫖姚岳武穆於兵法之意也人知曾文以法
勝以經術宏深勝而不知其用法之變如此予并
讀其它文見子固于左史漢書往往各取其意法
而出之亦不僅以劉向之規模也。此文一滾做
無閒架并無峯巒波瀾然暗以一二十其字爲其
中筋節格又最奇善覽古人文字者固知古文不
屑以字句措意然其筋絡精神旨趣往往有從字
句見者辟之廣野大川不在指其一波一加之妙
然驚瀾奇岫往往指校一二而川野之勝愈出

故詩

故原譌古
從唐本改

强幾聖文集序

幾聖諱三，姓强氏，錢塘人。幾聖字也。爲三司戶部判官，尚書祠部郎中。旣沒，其子浚明集其遺文爲二十卷，屬予序。幾聖少貧，能自謀，學爲進士材，拔出輩類，出輒収其科，其文辭大傳于時。及爲吏，未嘗不以其閒益讀書爲文，尤工于詩句，出驚人世，皆推其能。然最爲相國韓魏公所知。魏公旣罷政事，鎮京兆，及徙鎮相魏，常引幾聖自助。魏公喜爲詩，每合屬士大夫賓客與游，多賦詩以自見，其屬而和之者，幾聖獨思。

致逸發。若不可追躡。魏公未嘗不歎得之晚也。其在幕府。魏公每上奏天子。以歲時慶賀候問。及爲書記。通四方之好。幾聖爲屬稿草。必聲比字屬。曲當繩墨。然氣質渾渾。不見刻劃。遠近多稱誦之。及爲他文。若誌銘序記策問學士大夫。則簡古典則不少貶。以就俗。其所長兼人如此。魏公數薦之朝廷。以謂宜在館閣。然未及用。魏公旣薨。之明年。幾聖亦以疾卒。幾聖之遺文在。魏公幕府者。最爲多。故序亦反復見之。覽者可推而攷之也。其行治官世已著于誌。幾聖之葬。

者故此不著

茅鹿門曰范希文與歐陽永叔爲淡相知坐希文
貶及希文經略西夏時辟永叔爲掌書記而永叔
不從其書曰吾當與公同其退不當同其進也何
等卓礫幾聖之文今不可見然平生所自見者並
屬魏公幕府則子固之所不滿而風刺之者已見
其概矣此其文之典刑處

其言矣其文之典則遠
學殿公孫仲懷于國文則不藉而風懷文香且具
不餘其書曰吾當與公同其美不富同其美也何
又又余文晉晉西夏相韓天其為掌書疏而無
幸萬內曰為承文與燭則宋其為美朕時坐帝文
蒼墳並不蒼之也其行治也

張文叔文集序

文叔姓張氏諱彥博蔡州汝陽人慶曆三年爲撫州
司法參軍予爲之銘其父碑文叔又治其寢得嬰兒
禿禿之遺骸葬之予爲之誌其事是時文叔年未三
十喜從予問道理學爲文章因與之游至其爲司法
代去其後又三遇焉至今二十有六年矣文叔爲袁
州判官已死其子仲偉集其遺文爲四十卷自蘄春
走京師屬予序之予讀其書知文叔雖久窮而講道
益明屬文益工其辭精深雅贍有過人者而比三遇

之蓋未嘗爲予出也。又知文叔自進爲甚強。自待爲甚重。皆可喜也。雖其遇於命者。不至於富貴。然比於富貴而功德不足以堪之。姑爲說以自恕者。則文叔雖久窮。亦何恨哉。仲偉居撫時八九歲。未始讀書。就筆硯。今儀觀甚偉。文辭甚工。有子復能讀書。就筆硯矣。則予其能不老乎。旣爲之評其文而序之。又辱道其父子事。反復如此者。所以致予情于故舊。而又以見予之老也。

先大夫集後序

公所爲書號仙鳬羽翼者三十卷西陲要紀者十卷
清邊前要五十卷廣中台志八十卷爲臣要紀三卷
四聲韻五卷總一百七十八卷皆刊行於世今類次
詩賦書奏一百二十三篇又自爲十卷藏於家方五
代之際儒學旣擯焉後生小子治術業于閭巷文多
淺近是時公雖少所學已皆知治亂得失興壞之理
其爲文閎深雋美而長于諷諭今類次樂府已下是
也宋旣平天下公始出仕當此之時太祖太宗已綱

孫曰一語
提綱已盡
其文其人

郭曰此處
何等氣象
才識

鎖語

此一段從

屢不合而

出一句裏

頭翻案出

來

紀大法矣。公于是勇言當世之得失。其在朝廷疾當
事者不忠。故凡言天下之要必本天子憂憐百姓勞
心萬事之意。而推大臣從官執事之人觀望懷奸。不
稱天子屬任之心。故治久未洽。至其難言。則人有所
不敢言者。雖屢不合而出。而所言益切。不。以。利。害。禍
福。動。其。意。也。始公尤見奇于太宗。自光祿寺丞。越州
監酒稅。召見。以爲直史館。遂爲兩浙轉運使。未久而
真宗卽位。益以材見。知初試。以知制誥及西兵起。又
以爲自陝以西。經畧判官。而公常切論大臣當時皆

足所言益

切意

發明所言

大略數句

却道盡平

生建白又

修辭結意

多屬渾雄

不悅故不果用然真宗終感其言故爲泉州未盡一
歲拜蘇州五日又爲揚州將復召之也而公於是時
又上書語斥大臣尤切故卒以齟齬終公之言其大
者以自唐之衰民窮久矣海內旣集天子方脩法度
而用事者尚多煩碎治財利之臣又益急公獨以謂
宜遵簡易罷筦權以與民休息塞天下望祥符初四
方爭言符應天子因之遂用事泰山祠汾陰而道家
之說亦滋甚自京師至四方皆大治宮觀公益諍以
謂天命不可專任宜絀姦臣脩人事反覆至數百千

言先大夫
之忠謹而
歸之天子
此所以爲
儒者老成
之論也非
淺學所及

前案

言○嗚○呼○公○之○盡○忠○天○子○之○受○盡○言○何○必○古○人○此○非○傳○
之○所○謂○主○聖○臣○直○者○乎○何○其○盛○也○何○其○盛○也○公○在○兩○
浙○奏○罷○苛○稅○二○百○三○十○餘○條○在○京○西○又○與○三○司○爭○論○
免○民○租○釋○逋○負○之○在○民○者○蓋○公○之○所○試○如○此○所○試○者○
大○其○庶○幾○矣○公○所○嘗○言○甚○衆○其○在○上○前○及○書○亡○者○盖○
不○得○而○集○其○或○從○或○否○而○後○常○可○思○者○與○歷○官○行○事○
廬○陵○歐○陽○公○修○已○銘○公○之○碑○特○詳○焉○此○故○不○論○論○其○
不○盡○載○者○公○卒○以○齟○齬○終○其○功○行○或○不○得○在○史○氏○記○
籍○令○記○之○當○時○好○公○者○少○史○其○果○可○信○歟○後○有○君○子○

劉曰再提○一○句○結○通○篇○大

大○可○概○嘆

欲推而考之。讀公之碑與其書及予小子之序其意者。具見其表裏。其于名實之論可覈矣。公卒乃贈諫議大夫。姓曾氏。諱致堯。南豐人。序其書者。公之孫鞏也。

洽原譌治依文粹改

公修原作修公以上茅本同並切論文粹此上有日方二字

茅鹿門曰。子固闡揚先世所不得志處。有大體而文章措注處。極渾雄。韓歐與蘇亦當俯首者。盧文子曰。表章直節。歷落動聽。予于南豐文讀之。輒竦然起敬。他文止可愛耳。

孫執升曰。提綱得要。關鍵分明。曲折無不如意。此子固經營匠心之作也。

林西仲曰。集中類次。既合詩賦書奏。共為十卷。則序中俱不可遺。但詩賦不過文而已矣。書奏關係國家得失及畢生歷官進退大節。胡可為比。鈔在開口把詩賦輕輕提過。便倒入書奏細發。拏定見

知于天子見抑于大臣二意串講初叙其立言之指歸次述其歷官之亨屯梗概已見復從書奏中舉其關係最大者幸其言之得盡歸美于天子之見知贊不置口又計其在官已行者惜其止於小試歸咎于大臣之見抑意在言外穿插變換無不極其自然此有體有格之文其落筆布置曲盡良工苦心矣

丘邦士曰司馬子長以已之史記推附詩春秋之後正以其諷刺褒貶有獨深于筆墨字句之外者入家中惟歐曾二子善用其意是以其文之宛曲流連深通照耀足與風騷左國相上下此其意退之不足復辨而況于蘇王乎宜其文之愈讀而令人愈不厭也

劉二至曰極力形容主聖臣直而齟齬益見說到史不足信在往有之如子固本傳所載呂公著之說是也

愚按通篇稱述先世直道見此集爲有用之文至論所言不合處又善爲人主留地步立言有體

曾文定公全集卷之七

南豐後學彭期編訂

鮑溶詩集目錄序

鮑溶詩集六卷。史館書舊題云鮑防集五卷。崇文總目序別集亦然。知制誥宋敏求爲臣言。此集詩見文粹。唐詩類選者。皆稱鮑溶作。又防之雜感詩最顯。而此集無之。知此詩非防作也。臣以文粹類選及防雜感詩考之。敏求言皆是。又得參知政事歐陽修所藏

鮑溶集。與此集同。然後知爲溶集決也。史館書五卷。總二百篇。歐陽氏書無卷第。纔百餘篇。然其三十三篇。史館書所無。今別爲一卷。附於後。而總題曰鮑溶詩集六卷。蓋自先王之澤熄。而詩亡。晚周以來。作者嗜文辭。抒情思而已。然亦往往有可采者。溶詩尤清約謹嚴。而達理者少。亦近世之能言者也。故旣正其誤。謬又著其大旨以傳焉。

愚按先生凡集序不苟作。必廣搜博訪。訂其訛謬。使其人文並傳于此類可見。

李白詩集後序

李白詩集二十卷舊七百若干篇今九百若干篇者知制誥常山宋敏求字次道之所廣也次道旣以類廣白詩自爲序而未考次其作之先後予得其書乃考其先後而次第之蓋白蜀郡人初隱岷山出居襄漢之閒南游江淮至楚觀雲夢雲夢許氏者高宗時宰相圉師之家也以女妻白因留雲夢者三年去之齊魯居徂徠山竹溪入吳至長安明皇聞其名召見以爲翰林供奉頃之不合去北抵趙魏燕晉西抵岐

邠。歷商於。至洛陽。游梁最久。復之齊魯。南浮淮泗。再入吳。轉徙金陵。上秋浦。潯陽。天寶十四載。安祿山反。明年。明皇在蜀。永王璘節度東南。白時卧廬山。璘迫致之。璘軍敗。丹陽白奔亡。至宿松。坐繫潯陽獄。宣撫大使崔渙與御史中丞宋若思驗治白。以爲罪薄。宜貰。而若思軍赴河南。遂釋白。囚使謀其軍事。上書肅宗。薦白材可用。不報。是時白年五十有七矣。乾元元年。終以汚璘事。長流夜郎。遂泛洞庭。上峽江。至巫山。以赦得釋。憩岳陽。江夏久之。復如潯陽。過金陵。徘徊。

茅日總前

以下總入
史傳辨論

到此處略
斷自詩法

於歷陽宣城二郡其族人陽冰爲當塗令白過之以
病卒年六十有四。是時寶應元年也。其始終所更涉
如此。此白之詩書所自叙可考者也。范傳正爲白墓
誌稱白偶乘扁舟一日千里或遇勝境終年不移則
見于白之自叙者蓋亦其畧也。舊史稱白山東人爲
翰林待詔又稱永王璘節度揚州白在宣城謁見遂
辟爲從事而新書又稱白流夜郎還潯陽坐事下獄
宋若思釋之者皆不合白之自叙蓋史誤也。白之詩
連類引義雖中於法度者寡然其辭闕肆雋偉殆騷

人所不及近世所未有也。舊史稱白有逸才志氣宏遠。飄然有超世之心。予以爲實錄。而新書不著其語。故錄之。使覽者得詳焉。

茅鹿門曰。不論著李白詩。而獨詳白生平蹤跡。此其變調也。然其結胎在卧廬山。永王璘迫致之上。蓋如此。李白天郎之流。潯陽之獄。可釋然無愧矣。劉二至曰。考核是公所長。末段翻駁。新唐書是當時已定。新舊唐書之優劣矣。公爲六一門下士。直言如此。可敬也。

文粹作舊本七百七十六篇。今千有一篇。雜著六十篇者。

思軒詩序

今天子至和之初，尚書屯田員外郎林君慥，通判撫州，協于上下，以修其職。于是時蝗起京東，轉入江淮之間，秋又皆旱，撫獨無害災。故君得以其閒益疏其寢北之地，後池之北，涯立屋其上，入而燕焉，名其軒曰思軒。士之能詩者，皆爲君賦之，觀君之蚤夜于其治，既有餘日，乃自以爲不足，而深思于此，得士大夫之作，讀而推之以察君之志，將無小大言動萬事之作，止一擇其宜，則思之盡，豈獨一時寄此軒之內哉？

君之大父水部君當太宗時實通判是州今六十餘
年而君來世其官衆于是攷于州人以求水部之餘
思遺德又榮君之能業其家而謂君之世且益顯以
大其宗門將豈止于此後有君子低回此軒而迹君
之思見于事者不遺于理不墜其先人則詩之信天
下其可蔽也哉

齊州雜詩序

齊故爲文學之國然亦以朋比誇詐見於習俗今其地富饒而介於河岱之間故又多獄訟而豪猾羣黨亦往往喜相攻剽賊殺于時號難治予之疲駑來爲

有此一段方是先憂後樂

是州除其奸強而振其弛壞去其疾苦而撫其善良未期囹圄多空而枹鼓幾熄歲又連熟州以無事故得與其士大夫及四方之賓客以其暇日時游後園或長軒遠榭登覽之觀屬思千里或芙蕖芰荷湖波渺然從舟上下雖病不飲酒而閒爲小詩以娛情寫

○序○中○有○詩○宛○然○圖○畫

物亦拙者之適也。通儒大人或與予有舊，欲取而視之，亦不能隱而青鄆。二學士又從而和之，士之喜文辭者亦繼爲此作。總之凡若干篇，豈得以予文之陋而使夫宗工秀人雄放瑰絕可喜之辭不大傳于此邦也？故刻之石而并序之，使覽者得詳焉。

茅鹿門曰：雖小言，自中律。

世富於而介伏爾公之間，始又之，則富而榮，則草實。齊效爲文學之圖，然亦以眼以精，指其伏管，舒令其。

齊效錄精

館閣送錢純老知婺州詩序

熙寧三年三月尚書司封員外郎秘閣校理錢君純老出爲婺州三館秘閣同舍之士相與飲餞於城東佛舍之觀音院會者凡二十人純老亦重僚友之好而欲慰處者之思也乃爲詩二十言以示坐者于是在席人各取其一言爲韻賦詩以送之純老至州將刻之石而以書來曰爲我序之蓋朝廷常引天下儒學之士聚之館閣所以長養其材而待上之用有出使於外者則其僚必相告語擇都城之中廣宇豐堂

游觀之勝。約日皆會。飲酒賦詩。以叙去處之情。而致
綢繆之意。歷世寢久。以爲故常。其從容道義之樂。蓋
他司所無。而其賦詩之所稱引。况論莫不道去者之
義。祝其歸仕于王朝。而欲其無久于外。所以見士君
子之風流習尚。篤於相先。非世俗之所能及。又將待
上之考信於此。而以其彙進。非空文而已也。純老以
明經進士制策入等。歷敎國子生。入館閣。爲編校書
籍。校理檢討。其文章學問。有過人者。宜在天子左右。
與訪問。任獻納。而顧請一州。欲自試於川窮山阻僻。

絕之地。其志節之高。又非凡才所及。此賦詩者所以推其賢。惜其志殷勤。反復而不能已。予故爲之序。其大旨以發明士大夫之公論。而與同舍視之。使知純老之非久于外也。

王遵岩曰。治朝盛世。文儒遭逢。出入得意之氣象。藹然篇中。觀者不但可以想見其人。而又可以知其時也。

茅鹿門曰。文之典刑。雍容雅頌。

愚按。宋時內外之任。可以陳請而得足。見待臣之寬。而當時仕宦之樂。亦非後代所及。

其而當制計之樂衣非對外視又
思知宋初內惟上其下好刺繡而
容民見其臣之
其制門曰文之典祇藥容無際

其然論中雖休不世所以姑見其
王至崇日計暗盜世文難也其入
至之非入于於也以其以道在空

大肩以發即士大失之公備而與
同舍縣文赴秋蜂
無其得制其志類建又野而不誠
日于姑為之自其
錄之數其法猶文高又非此本視
又此類舊昔河以

茅鹿門曰
僅百餘言
而構思措
辭種種入
彀中有簡
而文淡而
不厭者

送傅向老令瑞安序

向老傅氏山陰人與其兄元老讀書知道理其所爲
文辭可喜太夫人春秋高而其家故貧然向老昆弟
尤自守不苟取而妄交太夫人亦忘其貧予得之山
陰愛其自處之重而見其進而未止也特心與之向
老用舉者令溫之瑞安將奉其太夫人以往予謂向
老學古其爲令當知所先後然古之道蓋無所用於
今則向老之所守亦難合矣故爲之言庶夫有知予
爲不妄者能以此而易彼也

○虛日頓挫極妙○

送劉希聲序

東明劉希聲來臨川見之其貌勉于禮其言勉于義其行亦然其久益堅其讀書爲辭章日盛從予游三年予愛之今年慶曆五年還其鄉過予別與之言曰東明汴邑也子之行問道之所嚮者以告子子也一趨焉而不息至乎爾也苟爲一從焉一違焉雖不息決不至也子也好問聖人之道亦如是而已矣五月四日序

送周屯田序

茅日非深
子經術焉
得有此議
論

士大夫登朝廷年七十上書去其位天子官其一子而聽之亦可謂榮矣然而有若不釋然者予爲之言曰古之士大夫倦而歸者安居几杖膳饌被服百物之珍好自若天子養以燕饗飲食鄉射之禮自比子弟袒裼鞠膾以薦其物諮其辭說不於庠序於朝廷時節之賜與縉紳之禮於其家者不以朝則以夕上之聽其休爲不敢勤以事下之自老爲無爲而尊榮也今一日辭事返其廬徒御散矣賓客去矣百物之

順其欲者不足。人之羣嬉屬好之交。不與約居而獨遊。散弃乎山墟林莽僻巷窮閭之間。如此其于長者薄也。亦曷能使其不歆然於心耶。雖然不及乎尊事。可以委蛇其身而益閒。不享乎珍好。可以窒煩除薄。而益安。不去乎深山長谷。豈不足以易其庠序之位。不居其榮。豈有患乎其辱哉。然則古之所以殷勤奉老者。皆世之任事者所自爲。於士之倦而歸者。顧爲煩且勞也。今之置古事者。顧有司爲少耳。士之老於其家者。獨得其自肆也。然則何爲動其意耶。予爲之。

言者尚書屯田員外郎周君中復周君與先人俱天
聖二年進士與予舊且好也既爲之辨其不釋然者
又欲其有以處而樂也讀予言者可無異周君而病
今之失矣

愚按寫出進退炎涼之態而以今古相形論之大
約因周君不樂於去位故諷解如此

瀆編云臨川集有都官郎中周君墓誌疑卽此人
一篇中止載爲洛陽令時曾拒中官之請銘詞所
謂我銘公藏不刻其他惟茲之存以勸無邪者也
按周爲會公之父友而此文直致如此

陳明卿曰可作勸致仕文
孫月峯曰此意人能道之吾愛其怡聲靜氣使人

利名心自澹

唐荆川曰抑揚格

原本茅本

朝廷上脫於字應從文鑑文編加

送江任序

唐荆川曰兩股格

富麗飽滿

又曰此文作兩段一段言用於異鄉之難爲治一段言用於其土之易爲治

送江任序

△茅 曰 宦 遠

均之爲吏。或中州之人。用於荒邊側境。山區海聚之
閒。蠻夷異域之處。或燕荆越蜀海外萬里之人。用于
中州。以至四遐之鄉。相易而往。其山行水涉。沙莽之
馳。往往爲風霜冰雪瘴霧之毒之所侵。加蛟龍虺蜴
虎豹之羣之所抵觸。衝波急湫。隕崖落石之所覆壓。
其進也。莫不羸糧裹藥。選舟易馬。刀兵曹伍而後動。
戒朝奔夜。變更寒暑而後至。至則宮廬器械衣服飲
食之具。土風氣候之宜。與夫人民謠俗語言習尚之

造 語 甚 二

務其變難遵。而其情難得也。則多愁居惕處歎。息而思歸。及其久也。所習已安。所蔽已解。則歲月有期。可引而去矣。故不得專一精思脩治具。以宣布天子及下之仁。而爲後世可守之法也。或九州之人各用於其土。不在西封。在東境。士不必勤舟車。輿馬不必力而已。傳其邑。都坐其堂。輿道途所次。升降之倦。衝冒之虞。無有接於其形。動於其慮。至則耳目口鼻百體之所養。如不出乎其家。父兄六親故舊之人。朝夕相見。如不出乎其里。山川之形。土田市井風謠習俗。辭

說之變利害得失善惡之條貫非其童子之所聞則

孫曰

相激射錯落成文

其少長之所遊覽非其自得則其鄉之先生老者之

總

所告也所居已安所有事之宜皆已習熟如此故能

專慮致勞營職事以宣上恩而修百姓之急其施爲

先後不待旁諮久察而與奪損益之幾已斷于胷中

矣豈類夫孤客遠寓之憂而以苟且決事哉臨川江

君任爲洪之豐城此兩縣者牛羊之牧相交樹木果

蔬五穀之壟相入也所謂九州之人各用於其土者

孰近於此旣已得其所處之樂而厭聞飫聽其人民

曾文定公集 卷之十一
之事而江君又有聰明敏給之材廉潔之行以行其
政吾知其不去圖書講論之適賓客之好而所爲有
餘矣蓋縣之治則民自得於大山深谷之中而州以
無爲於上吾將見江西之幕府無南嚮而慮者矣于
其行遂書以送之

茅鹿門曰古來未有此調出子固所自爲機軸
盧文子曰此序意穎濱臣策曾詳言之矣宋時仕
宦與今大略相同苟欲合人情宜土俗使吏習而
民安不可不讀此序
愚按宋時銓選與今政自不同如以臨川之人而
令豐城宋尚可行後來不能不變法也

乃原譌力 爲風霜爲原本作則 裏原本作舉 故能舉慮致勞營職事
原本作能專慮致動職事無故營三字有勤字以上並從文鑑文粹文編

盧曰洞析
人情

頓注總爲
李君地步

送李材叔知柳州序

談者謂南越偏且遠其風氣與中州異故官者皆不欲久居往往車船未行輒以屈指計歸日又咸小其官以爲不足事其逆自爲慮如此故其至皆傾搖懈弛其憂且勤之心其習俗從古而爾不然何自越與中國通已千餘年而名能撫循其民者不過數人耶故越與閩蜀始俱爲夷閩蜀皆已變而越獨尚陋豈其俗不可更與蓋吏者莫致其治教之意也意亦其民之不幸也已彼不知繇京師而之越水陸之道皆

安行。非若閩溪峽江蜀棧之不測。則均之吏于遠。此

非獨優歟。其風氣吾所諳之。與中州亦不甚異。起居

○盧○日○跌○妙○

不違其節。未嘗有疾。苟違節。雖中州寧能不生疾耶。

其物產之美。果有荔子。龍眼。焦柑。橄欖。花有素馨。山

丹。含笑之屬。食有海之百物。累歲之酒醋。皆絕于天

下。人少鬪訟。喜嬉樂。吏者惟其無久居之心。故謂之

不可。如其有久居之心。奚不可耶。古之人爲一鄉一

縣。其德義惠愛尚足以薰蒸漸澤。今大者專州。豈當

小其官而不事耶。令其得吾說而思之人。咸有久居

茅日以上

應轉風土

與中州異

一句

以上應轉

小其官一

句

之心又_○不小其官爲_○越人滌其陋俗而致其治居閩_○
蜀上無不幸之歎其事出千餘年之表則其美之巨_○
細可知也然非其材之穎然邁於衆人者不能也官_○
于南者多矣予知其材之穎然邁於衆人能行吾說_○
者李材叔而已材叔久與其兄公翊仕同年同用薦_○
者爲縣入秘書省爲著作佐郎今材叔爲柳州公翊_○
爲象州皆同時材又相若也則二州交相致其政其_○
施之速勢之便可勝道也夫其越人之幸也夫其可_○
賀也夫

_{○主○意○}

_{○雙○紐○去○可○}

_{○應○}

湯霍林曰粹美親洽爲友人致意爲民人眷戀都
會想過來著痛著癢

孫執升曰格高調逸迥然出塵
愚按柳象處西粵僻遠仕者自不樂居公以反陋
爲治屬李君意見便高出一層

孫曰徑叙
事起

送趙宏序

荆民與蠻合爲寇。潭旁數州被其害。天子宰相以潭
重鎮。守臣不勝任。爲改用人。又不勝。復改之。守至上
書乞益兵。詔與撫兵三百。殿直天水趙君希道實護
以往。希道雅與予接。閒過予道潭之事。予曰。潭山川
甲兵如何。食幾何。賊衆寡。強弱如何。予不能知。能知
書耳。書之載若潭事多矣。或合數道之兵以數萬。絕
山谷而進。其勢非不衆且健也。然而卒殲焉者多矣。
或單車獨行。然而以克者相踵焉。顧其義信何如耳。

主

致吾義信。雖單車獨行。寇可以爲無事。龔遂張綱祝

良之類是也。義信不足以致之。雖合數道之兵以數

句法簡峭

萬卒殲焉。適重寇耳。況致平耶。楊旻裴行立之類是

也。則兵不能致平。致平者在太守身也。明矣。前之守

者果能此。天子宰相烏用易之。必易之爲前之守者

身上

不能此也。今往者復曰。乞益兵。何其與書之云者異

耶。予憂潭民之重困也。寇之益張也。往時潭吏與旁

近郡靳力勝賊者。暴骸者。戮降者。有之。今之往者將

冷語擊到古事句

特不爲是而已。耶抑猶不免乎。爲是也。天子宰相任

折到趙君

之○之○意○其○然○耶○潭○守○近○侍○臣○使○撫○覘○潭○者○郎○吏○御○史○

孫曰終不脫書上

博○士○相○望○爲○我○諗○其○賢○者○曰○今○之○言○古○書○往○往○曰○迂○
然○書○之○事○乃○已○試○者○也○師○已○試○而○施○諸○治○與○時○人○之○
自○用○孰○爲○得○失○耶○愚○言○倘○可○以○平○潭○之○患○今○雖○細○然○
太○中○咸○通○之○閒○南○方○之○憂○常○劇○矣○夫○豈○階○于○大○哉○爲○
近○臣○郎○吏○御○史○博○士○者○獨○得○而○不○思○也○希○道○故○喜○事○
者○因○其○行○遂○次○第○其○語○以○送○之○

盧曰語是規

盧文子曰按古治盜已驗者治潭以信義爲主而
本之身教立言典要有三代遺風曲折澹宕更有
波勢

孫執升曰語本切直而行文特紆徐委曲折出無

數波瀾使人一字一思

唐荆川曰辨難格

好議論

知書

茅本下有耳字
從原本唐本刪

身也明矣

原唐茅本俱作身
耳明也從文鑑改

師已試

師原作書唐本作
事從呂茅本改

送王希亭

字潛之

輦慶曆三年遇潛之于江西。始其色接吾目，已其言接吾耳。久其行接吾心，不見其非吾愛也。從之遊四年，閒輦于江西三至焉。與之上滕王閣，泛東湖，酌馬跑泉，最數遊而久。乃去者，大梵寺秋屏閣閣之下，百步爲龍沙。沙之涯爲漳水，水之西涯橫出爲西山。皆江西之勝處也。江西之州中，凡遊觀之可望者，多西山之見。見西山最正，且盡者，惟此閣而已。使覽登之美，窮于此樂乎？莫與爲樂也。况龍沙、漳水、水涯之陸。

陵人家園林之屬于山者莫不見可見者不特西山而已其爲樂可勝道耶故吾與潛之游其間雖數且久不厭也其計于心曰奚獨吾游之不厭也將奉吾親託吾家于是州而游于是以歡吾親之心而自慰焉未能自致也獨其情旦而作夜而息無頃焉忘也病不游者期月矣而潛之又遽去其能不憮然耶潛之之將去以書來曰子能不言于吾行耶使吾道潛之之美也豈潛之相望意也使以言相鐫切耶眎吾言不足進也眎可進者莫若道素與游之樂而惜其

去亦情之所不克已也。故云爾嗟乎。潛之之去而之。
京師人知其將光顯也。光顯者之心于山水或薄其。
異日肯尚從吾游于此乎。其豈使吾獨也乎。

劉二至曰。叙游觀之樂而交情自見。摹寫山水。
如一幅畫圖。光顯者于山水或薄。綰束尤妙。
愚按。大梵寺不知廢于何時。一統志亦不載。近日。
龍沙新剏北蘭寺中。構小亭亦顏曰秋屏。或卽其。
故址也。

送蔡元振序

古之州從事皆自辟士士亦擇所從故賓主相得也如不得其志去之可也今之州從事皆命于朝非惟守不得擇士士亦不得擇所從賓主豈盡相得哉如不得其志未可以輒去也故守之治從事無爲可也守之不治從事舉其政亦勢然也議者不原其勢以爲州之政當一出于守從事舉其政則爲立異爲侵官噫從事可否其州事職也不惟其同守之同則舍已之是而求與之同可乎不可也州爲不治矣守不

唐云立異

侵官

自任其責已亦莫之任也可乎不可也則舉其政其

澹蕩之思

幽閒之度

此一

孰爲立異耶其孰爲侵官耶議者未之思也雖然迹

轉最深

其所以然豈士之所喜然哉故曰亦勢然也今四方

之從事惟其守之同者多矣幸而材從事視其政之

轉

缺不過室于歎途于議而已脫然莫以爲已事反是

焉則激激亦奚以爲也求能自任其責者少矣爲從

事乃爾爲公卿大夫士于朝不爾者其幾耶臨川蔡

一無異

君從事于汀始試其爲政也汀誠爲州治也蔡君可

拱而坐也誠未治也人皆觀君也無激也無同也惟

其義而已矣。蔡君之任也。其異日官于朝。一于是而
已矣。亦蔡君之任也。可不懋歟。其行也。來求吾文。故
序以送之。

唐荆川曰。此文入題以後。照應獨爲謹密。異于南
豐諸文。立說格。

其策而曰矣燕雀之計也其異日官于博一干旻而

最難起

重重冒頭

送丁琰序

茅曰必曾
公心上有
指者

唐曰永不
得其人

守令之于民近且重易知矣予嘗論今之守令有道
而聞四方者不過數人此數人者非特任守令也過
此數人有千里者相接而無一賢守有百里者相環
而無一賢令至天子大臣嘗患其然則任奉法之吏
嚴刺察之科以繩治之諸郡守縣令以罪不任職或
黜或罷者相繼于外于是下詔書擇廷臣使各舉所
知以任守令是天子大臣愛國與民而重守令之意
可謂無不至矣而詔雖下舉者卒不聞惟令或以舊

書

疏暢

承日照應

相對整齊

法不勝北

弊

制舉不循循歲月而授每舉者有姓名得而視之推
考其材行能堪其舉者卒亦未見焉舉者既然矣則
以予之所見聞陰計其人之孰可舉者卒亦未見焉
猶恐予之愚且賤聞與見焉者少不足以知天下之
材也則求夫賢而有名位聞與見之博者而從之間
其人之孰可舉者卒亦未見焉豈天下之人固可誣
而天固不生材于今哉使天子大臣患天下之弊則
數更法以禦之法日以愈密而弊日以愈多豈今之
去古也遠治天下卒無術哉蓋古人之有庠有序有
○至○此○才○歸○重○教○養○氣○度○何○

茅日從篇
首所感歎

當世之無

良吏處列

此凡六七

轉以下經

歸重于教

督之無法

應上二處

字一段

其春卷

師友之游有有司之論而賞罰之始于鄉屬于天下

爲教之詳至此也士也有聖人之道則皆得行其教
有可教之質則皆可爲材且良故古之賢也多賢之
多則自公卿大夫至於牛羊倉廩賤官之選咸宜焉
獨千里百里之長哉其爲道豈不約且明其爲致天
下之材豈不多哉其豈有勞于求而不得人密于法
而不勝其弊若今之患哉今也庠序師友賞罰之法
非古也士也有聖人之道欲推而教於鄉於天下則
無路焉人愚也則愚矣可教而賢者卒誰教之哉故

今之賢也少。賢之少則自公卿大夫至于牛羊倉廩
賤官之選常不足其人焉。獨守令哉。是以其求之無
不至。其法日以愈密而不足以爲治者。其原皆此之
出也。已噫。奚重而不更也。姑蘇人丁君琰佐南城。南
城之政平。予知其令。令曰。丁君之佐我也。知其邑人
邑人無不樂道之者。予旣患今之士而嘗慕古之人
每觀良吏一傳。則反復愛之。如丁君之信於其邑。予
於旁近邑之所未見。故愛之特深。今爲令于淮陰。上
之人知其材而舉用之也。于今也得人矣。使丁君一

推是心以往信于此有不信于彼哉。求予文者多矣。
忽起一浪輒
拒而莫之與也。獨丁君之行也。不求予文而予樂道。
作千層
其所常論者以送之。以示重丁君且勉之。且勉天下
之凡爲吏者也。

丘邦士曰其文之高秀排折全是韓退之家法。
愚按守令之難得其人自是古今同慨。故篇中委
折感歎不禁傷今思古之意而歸重于教以成材。
此有關政治之文。
鍾伯敬曰文心欸欸如蓮步趨庭含情自悄未易
爲聲音笑貌者言也。
唐荆川曰古今格

文編詔下有書字

豈有上作其字不作亦

佐我下有也字

今也得人茅本今作令

其○兩○前○諸○皆○以○為○文○以○示○重○不○然○且○雖○文○且○雖○天○不
而○而○莫○之○與○也○臨○下○故○之○亦○也○不○求○乎○文○而○言○樂○在
非○是○心○以○其○計○未○此○亦○不○計○乎○外○斯○未○亦○交○昔○冬○矣

贈黎安二生序

孫曰○提○蘇軾說入

趙郡蘇軾予之同年友也自蜀以書至京師遺予稱蜀之士曰黎生安生者既而黎生攜其文數十萬言安生攜其文亦數千言辱以顧予讀其文誠閎壯雋偉善反復馳騁窮盡事理而其材力之放縱若不可極者也二生固可謂魁奇特起之士而蘇君固可謂善知人者也項之黎生補江陵府司法參軍將行請予言以爲贈予曰予之知生既得之于心矣乃將以言相求于外耶黎生曰生與安生之學於斯文里之

微露

應蘇軾

王日以正

爲奇

茅日低昂

子固何等
氣象

何等幹旋

人皆笑以爲迂濶。今求子之言，蓋將解惑於里人。予聞之，自顧而笑。夫世之迂濶，孰有甚于予乎？知信乎？古而不知合乎世，知志乎道而不知同乎俗，此予所以困于今而不自知也。世之迂濶，孰有甚于予乎？今生之迂，特以文不近俗。迂之小者耳。患爲笑于里之人，若予之迂大矣。使生持吾言而歸，且重得罪庸詎止于笑乎？然則若予之于生，將何言哉？謂予之迂爲善，則其患若此；謂爲不善，則有以合乎世，必違乎古，有以同乎俗，必離乎道矣。生其無急于解里人之惑。

則于是焉必能擇而取之。遂書以贈二生。并示蘇君。以爲何如也。

唐荆川曰：議論謹密。

茅鹿門曰：子固作文之旨，與其所自任處，並已槩見。可謂文之中尺度者也。

盧文子曰：一篇以迂字作骨，意在規二生之未合乎道也。

王惟夏曰：借迂濶二字，曲折引人入道，讀之覺文章聲氣去聖賢名教不遠。

林西仲曰：通篇拏定里人笑爲迂濶一語，步步洗發，就作文上攙到立身行已上去，命意正大無匹。其行文似嘲似解，總言自信得過，不可移於世俗之毀譽，而以迂濶不迂濶兩路聽人自擇，嚴中帶婉，此有德者之言也。

愚按：公以信古志道自命，原不求工于文，不求合于世俗，豈古今文人可及。

古今圖書集成

一

文士對俊立良云四土老俞曹五大然

章
華
士
庫
寶
齋
不
遠

錄以爲安外異志論一

卷之四

1875

10

卷之五

王無咎字序

名字者人之所假借以自稱道亦使人假借以稱道
己之辭也非若行然不可以假借云也何也問其名
曰忠與義其字亦然則人無有求其信然者責其不
然者知其假借云也問其行曰忠與義則人皆求其
信然者責其不然者其可以假借云乎然而人無貴
賤愚良一欲善其名字夫欲善其名字者非他亦曰
愛其身而已愛其身而不善克之猶曰姑以聖賢之
道假借其身而已不誠乎身莫大焉豈愛其身也不

若于名字乎勿求勝焉于行乎汲汲爾以愛其身是以聖賢之道歸諸其身也。以爲愛其身非至夫然而人一皆善其名字未嘗一皆善其行有愛其身之心而于其身反爾其薄也可嗟也已。南城王無咎來請字予思夫字雖不必求勝也。然古之人重冠于冠重字字則亦未可忽也。今冠禮廢字亦非其時。古禮之行_{△也△}甚矣無咎之請也。雖非時之當然庶幾存其禮予欲拒安得而拒也。取易所謂無咎者善補過者也。爲之字曰補之。夫勉焉而補其所不至顏子之所以

爲學者也。補之明經術爲古文辭。其材卓然可畏也。
○劉○曰○說○得○有○身○分○
以顏子之所以爲學者期乎已。予之所望于補之也。
假借乎已而已矣。豈予之所望于補之哉。

劉二至曰直切痛快又不乏委蛇之致。純是理學
文字。

愚按只是目前道理。一經指點。令人顧名思義。猛
然有省。而王成王君處意更肫摯。

不行。
原本下無也
字從正宗加

不刊

字錦玉完賦
原本不無也

文定公集卷之十
賦類
賦類只受目前
前後野一
對詩
照命人
酬各
恐美
也

文定

賦二
至日
產財
歲財
又不
交
知文
廷
將
長
野
學

賦
帶
平
日
而
日
矣
豈
年
文
而
坐
于
前
文
時

賦
以
酸
于
文
而
以
其
學
者
則
平
日
年
多
其
筆
于
前
文
也

賦
學
者
思
辭
文
則
雖
辭
然
古
文
編
其
林
阜
然
西
昇
也

謝司理字序

君子之于德澤誼行大有爲者也。于爲之也有明而
易知者。有不示其用者。若乃數度號令。因造損益。淳
雜出入。則所謂明而易知者。使人靡靡然化之。不絕
於動作趣舍之際耳。無深關複鍵。穹壅奧屋。爲之掩
覆也。泊然莫能顯其所以發而至者。則所謂不示其
用者也。易曰。知微知彰。彰顯之微。不顯之謂也。又曰。
幾事不密。則害成。退藏於密者。皆不顯之謂也。陳郡
謝君名縝。縝密也。而取字乃本諸此。而字曰通微。以

謝君也材其嚮道也苟爲無畫無不至者也可以有
爲者也能見其事業者也能不表其迹者也亦在懋
之而已

劉二至曰微哉其言而文特簡峭高古

餘出入限視聽即而長味音動人羣氣然於之不辭
長味音育不示其用音若水之清與銀令國盡歸益氣
張千之千猶然歸於大休爲音也千爲之也音四而
備何聖乎

劉曰辨體
通意非深
于六書者
不能道

連用十二
字

小夫相國寺維摩院聽琴序
古者學士之于六藝射能弧矢之事矣又當善其揖讓之節御能車馬之事矣又當善其驅馳之節書非能肆筆而已又當辨其體而皆通其意數非能布策而已又當知其用而各盡其法而五禮之威儀至于三千六樂之節文可謂微且多矣噫何其煩且勞如是然古之學者必能此亦可謂難矣然習其射御于禮習其于戈于樂則少于學長于朝其于武備固脩矣其于家有塾于黨有庠于鄉有序于國有學于教

繼入琴字

吳曰極透

通澹宕之

致

有師于視聽言動有其容于衣冠飲食有其度几杖
有銘盤盂有戒在輿有和鸞之聲行步有佩玉之音
燕處有雅頌之樂而非其故琴瑟未嘗去于前也蓋
其出入進退俯仰左右接于耳目動于四體達于其
心者所以養之至如此其詳且密也雖然此尚爲有
待于外者爾若夫三才萬物之理性命之際力學以
求之深思以索之使知其要識其微而齋戒以守之以
盡其才成其德至合于天地而後已者又當得之于
心夫豈非難哉噫古之學者其役之于內外以持其

又入琴字

心養其性者至于如此。此君子所以愛日而自強不息。以求至于極也。然其習之有素閑之有具如此。則求其放心。伐其邪氣。而成文武之才。就道德之實者。可謂易矣。孔子曰。興於詩。立於禮。成於樂。蓋樂者所以感人心。而使之化。故曰成於樂。昔舜命夔典樂。教胄子曰。直而溫。寬而栗。剛而無虐。簡而無傲。則樂

茅曰應前

唐曰翻轉

者非獨去邪。又所以救其性之偏。而納之中也。故和鸞佩玉。雅頌琴瑟之音。非其故不去。于前豈虛也哉。今學士大夫之持其身。養其性。凡有待于外者。皆

實入琴字

應起處微字

曾文定公集 卷之十
不能具得之于內者又皆略其事可謂簡且易矣然
所以求其放心伐其邪氣而成文武之材就道德之
實者豈不難哉此予所以懼不至于君子而入于小
人也夫有待于外者予既力不足而于琴竊有志焉
久矣然患其莫予授也治平三年夏得洪君于京師
始合同舍之士聽其琴於相國寺之維摩院洪君之
于琴非特能其音又能其意者也予將就學焉故道
予之所慕於古者庶乎其有以自發也同舍之士丁
寶臣元珍鄭穆閔中孫覺莘老林希子中而予曾鞏

子固也。洪君名規，字方叔。以文學吏事稱于世云。

吳藻右曰：就琴上發出大道理，以內外難易四字作眼目，而前後意正反相承，行文整而有則瞻而不靡，洵深于六經之學者。其通篇渾寫大意，聽琴只於末幅略點，尤見鑄局之高。

讀編云：鄭穆，福建侯官人，性醇謹，好學，凡居館閣三十年，在王邸一紀，非公事不及執政之門，講說有法，可爲勸戒者，必反覆摘誦。元祐初，拜國子祭酒，每講無間，寒暑雖童子必朝服，延接以禮。送迎年七十，致仕太學，之士空學出祖。丁寶臣見歐王集，孫覺見東坡集，皆賢者之流，彼林希者何爲攔入數君之列哉？

原本齊戒上無而字，千古譌作，京人應從呂唐本。

聖天子無西王母之憂

關人還珠之嘆

王萊翁覽吳東與萊翁贊者之流

張平少十廷甘太學之士空學出

南志西為續無首必又更辭輔

三十平王王師一

蘇云漢縣縣縣對在人

只然未辭和然小其

不獲或若千六

計期日而師

吳蘇亦口

子固亦拾

學東事

于世云

聽琴序

凡有貴於物者○豈特物不能勝之歟○抑亦無所待於物故也○世之有學者○名占一藝○苟不徇物○則亦足貴矣○然以自售○然後人得而賤之○故工於藝者○常恐人之羞薄○則往往拂人之好○而自要其簡重○雖求之者愈勤○而拒之者愈堅○然不知人亦愈羞薄之也○琴之爲藝○雖聖人所不廢也○其制作之意○蓋有所寓而至其所聞者○不出乎几席之間○而所感者○常在乎滄浪之濱○崔嵬之巔○亦已至矣○雖然○聲自外入也○使聞於

彼而應於此者○猶且如此○况不自外入者乎○故樂之
實不在於器○而至於鼓之以盡神○則樂由中也明矣○
故聞其樂○可以知其德○而德之有見於樂者○豈係於
器哉○惟其未離於器也○故習之有曲○以至於有數○推
之○則將以得其志○又中於得其人○則器之所不及矣○
故樂作而喜○曲終而悲○豈能易吾於須臾哉○若夫吾
之心○在於鴈門○吾之目○在於鴻鵠○則雖九奏於吾之
前○猶不聞也○故琴之作○有厭乎人之耳者○豈非自外
入○無有久而不倦者乎○雖然○吾嘗學琴於師矣○反宮

於脾而聖亦不廢也。反商於肺而義亦不廢也。反角
於肝而仁亦不廢也。反徵於心而禮亦不廢也。反羽
於腎而智亦不廢也。方是時也。非春也。求之於律則
不中夾鍾。物安得而生哉。非夏也。求之於律則不中
蕤賓。物安得而長哉。非秋也。求之於律則不中南呂。
物安得而斂哉。非冬也。求之於律則不中應鍾。物安
得而藏哉。故無出無內。無緩無急。無修無短。巧曆不
能盡其數。豈止於十九八六而已耶。故聞也。其神之
遊東不極於碣石。南不極於北戶。西不極於流沙。沈

羽北不極於令正之谷。則鳥何從而舞。魚何從而躍。
六馬何從而仰秣。景風何從而翔慶雲。何從而浮耳。
露何從而降醴泉。何從而出吾之琴。如是則有耳者。
無所用其聽。尚何厭之有乎。則凡貴者且不足貴也。
故在鄭則不淫也。在宋則不溺也。在衛則不煩也。在
齊則不驕也。用之於祭祀。則鬼神亦蒞乎其所矣。尚
何煩於知音哉。若乃當春而叩商。及秋而叩角。當夏
而叩羽。當冬而叩徵。雖知四時之行在我。未免乎有
手動絃也。某人嘗與鞏適撫之金谿。因以琴稱而不

知吾之琴也。某人苟知所存不在絃，所志不在聲，然後吾之琴可得矣。雖然，他日祭酒之堂，樽俎之宴，追三代之遺風，想舜、禹之詠嘆，使聞者若有所得，則庶幾不愧於昔人矣。尙何恨於羞薄哉。

愚按相國寺聽琴序，推原六藝之教，五禮六樂，持心養性之實功。此序只借琴發揮，以見學者但當內盡乎已，不必外徇乎物。殆所謂但識琴中趣，何勞絃上聲者耶。類藁中亦缺此篇，從唐選文編補入。

不為物役而能自得其樂者
人可與語
錄上蔡書
內盡平
心
愚
幾不勝然昔人笑尚何州
二升之戲風默殺寧之福
好吾之琴可許矣
朕吾之琴也某人荷朕
不耳絲退或不耳聲

順濟王敕書祝文刻石序

臣鞏言。世稱麟鳳龜龍王者之嘉瑞。則蓋不常出而德有不能致者。又稱麟鳳龜龍四靈以爲畜。則至治之世。蓋可狎而擾也。故官有豢龍而劉累以善其職。事至夏之衰。乃不能馴。而或殽于庭。至周卒爲女禍。蓋龍之爲祥。通于治亂。如此。伏惟陛下仁聖之德。達于淵泉。故龍實來慕。若可擾也。其自今以往。盛德日躋。則必有遊于宮沼。或負圖出河。而且將領在有司。羣於羞物。故臣敢刻敕書祝辭于石。以俟臣鞏謹序。

序越州鑑湖圖

劉日提

一○句○首○功○之○人○後○來○功○罪○了○了○

孫曰紀年
紀里

叙次之中
處處見民
田賴此湖
故通民田
三字頻頻
點出

鑑湖一曰南湖南並山北屬州城漕渠東西距江漢
順帝永和五年會稽太守馬臻之所爲也至今九百
七十有五年矣其周三百五十有八里凡水之出於
東南者皆委之州之東自城至于東江其北隄石礎
二陰溝十有九通民田田之南屬漕渠北東西屬江
者皆溉之州之東六十里自東城至于東江其南隄
陰溝十有四通民田田之北抵漕渠南並山西並隄
東屬江者皆溉之州之西三十里曰柯山斗門通民

總束一筆

吞吐處文
有餘情此
頓挫之妙

茅日指悉
如畫

田田之東並城南並隄北濱漕渠西屬江者皆溉之
總之溉山陰會稽兩縣十四鄉之田九千頃非湖能
○如○亂○山○廻○合○忽○出○奇○峯○令○人○耳○目○頓○異○
溉田九千頃而已蓋田之至江者盡於九千頃也其
東曰曹娥斗門曰橐口斗門水之循南隄而東者由
之以入於東江其西曰廣陵斗門曰新逕斗門水之
循北隄而西者由之以入於西江其北曰朱儲斗門
去湖最遠蓋因三江之上兩山之間疏爲二門而以
時視田中之水小溢則縱其一大溢則盡縱之使入
於三江之口所謂湖高于田丈餘田又高海丈餘水

○敘○事○處○

孫曰此句
是一篇之
案

少○則○泄○湖○溉○田○水○多○則○泄○田○中○水○入○海○故○無○荒○廢○之○
田○水○旱○之○歲○者○也○繇○漢○以○來○幾○千○載○其○利○未○嘗○廢○也○
宋○興○民○始○有○盜○湖○爲○田○者○祥○符○之○閒○二○十○七○戶○慶○曆○
之○閒○二○戶○爲○田○四○頃○當○是○時○三○司○轉○運○司○猶○下○書○切○
責○州○縣○使○復○田○爲○湖○然○自○此○吏○益○慢○法○而○奸○民○浸○起○
至○于○治○平○之○閒○盜○湖○爲○田○者○凡○八○千○餘○戶○爲○田○七○百○
餘○頃○而○湖○廢○幾○盡○矣○其○僅○存○者○東○爲○漕○渠○自○州○至○于○
東○城○六○十○里○南○通○若○邪○溪○自○樵○風○涇○至○于○桐○鳴○十○里○
皆○水○廣○不○能○十○餘○丈○每○歲○少○雨○田○未○病○而○湖○蓋○已○先○

涸矣。自此以來。人爭爲計。說蔣堂則謂宜有罰以禁
侵耕。有賞以開告者。杜杞則謂盜湖爲田者利在縱
湖水。一雨則放聲以動州縣。而斗門輒發。故爲之立
石。則水一在五雲橋。水深八尺。有五寸。會稽主之一
在跨湖橋。水深四尺。有五寸。山陰主之。而斗門之鑰
使皆納于州。水溢則遣官視。則而謹其閉縱。又以謂
宜益理隄防。斗門其敢田者。拔其苗。責其力。以復湖
而重其罰。猶以爲未也。又以謂宜加兩縣之長。以提
舉之名。課其督察。而爲之殿賞。吳奎則謂每歲農隙。

當僦人濬湖○積其泥塗○以爲丘阜○使縣主役○而州與
轉運使提點刑獄督攝賞罰之○張次山則謂湖廢僅
有存者○難卒復○宜益廣漕路及他便利處○使可漕及
注民田里○置石柱以識之○柱之內禁敢田者○刁約則
謂宜斥湖三之一○與民爲田○而益隄使高一丈○則湖
可不開○而其利自復○范師道施元長則謂重侵耕之
禁○猶不能使民無犯○而斥湖與民則侵者孰禦○又以
湖水較之○高於城中之水○或三尺○有六寸○或二尺○有
六寸○而益隄壅水○使高○則水之壞城郭廬舍○可必也○

總上數段
頓挫說入

注意

張伯玉則謂日役五千人濬湖使至五尺當十五歲
畢至三尺當九歲畢然恐工起之日浮議外播役夫
內潰則雖有智者猶不能必其成若日役五千人益
隄使高八尺當一歲畢其竹木費凡九十二萬有三
千計越之戶二十萬有六千賦之而復其租其勢易
足如此則利可坐收而人不煩弊陳宗言趙誠復以
水勢高下難之又以謂宜從吳奎之議以歲月復湖
當是時都水善其言又以謂宜增賞罰之令其爲說
如此可謂博矣朝廷未嘗不聽用著之於法故罰有

自錢三百至于千。又至于五萬。刑有杖百至于徒二
年。其文可謂密矣。然而田者不止而日愈多。湖不加
濬而日愈廢。其故何哉。法令不行而苟且之俗勝也。
靈運文人乃爾爲利故拈出爲勢家請田者榜樣
昔謝靈運從宋文帝求會稽回踵湖爲田。太守孟顗
不聽。又求休嶌湖爲田。顗又不聽。靈運至以語詆之。
則利於請湖爲田。越之風俗舊矣。然南湖繇漢歷吳
晉以來。接于唐。又接于錢鏐父子之有此州。其利未
嘗廢者。彼或以區區之地。當天下。或以數州爲鎮。或
以一國自王。內有供養祿廩之需。外有貢輸問遺之

茅日公之
憂深而思
遠故其文
之入諷刺
者如此

奉○非○得○晏○然○而○已○也○故○强○水○土○之○政○以○力○本○利○農○亦○
皆○有○數○而○錢○鏐○之○法○最○詳○至○今○尚○多○傳○于○人○者○則○其○
利○之○不○廢○有○以○也○近○世○則○不○然○天○下○爲○一○而○安○于○承○
平○之○故○在○位○者○重○舉○事○而○樂○因○循○而○請○湖○爲○田○者○其○
語○言○氣○力○往○往○足○以○動○人○至○于○修○水○土○之○利○則○又○費○
材○動○衆○從○古○所○難○故○鄭○國○之○役○以○謂○足○以○疲○秦○而○西○
門○豹○之○治○鄴○渠○人○亦○以○爲○煩○苦○其○故○如○此○則○吾○之○吏○
孰○肯○任○難○當○之○怨○來○易○至○之○責○以○待○未○然○之○功○乎○故○
說○雖○博○而○未○嘗○行○法○雖○密○而○未○嘗○舉○田○者○之○所○以○目○

孫○日○又○兩○引○古○以○證

一○一○抱○前○說○得○明○快○

多湖之所以日廢繇是而已故以爲法令不行而苟
且之俗勝者豈非然哉夫千歲之湖廢興利害較然
易見然自慶曆以來三十餘年遭吏治之因循至於
既廢而世猶莫寤其所以然况於事之隱微難得而
考者繇苟簡之故而弛壞於冥冥之中又可知其所
以然乎今謂湖不必復者曰湖田之入既饒矣此游
談之士爲利於侵耕者言之也夫湖未盡廢則湖下
之田旱此方今之害而衆人之所覩也使湖盡廢則
湖之爲田亦旱矣此將來之害而衆人之所未覩者

故曰此游談之士爲利于侵耕者言之。而非實知利
害者也。謂湖不必濬者曰益隄壅水而已。此好辨之
士爲樂聞苟簡者言之也。夫以地勢較之壅水使高。
必敗城郭。此議者之所已言也。以地勢較之濬湖使
下。然後不失其舊。不失其舊。然後不失其宜。此議者
之所未言也。又山陰之石。則爲四尺有五寸。會稽之
石。則幾倍之。壅水使高。則會稽得尺。山陰得半。地之
窪隆不並。則益隄未爲有補也。故曰此好辨之士爲
樂聞苟簡者言之。而又非實知利害者也。二者旣不

又翻前案
點證

孫日數句
收局甚緊

可用而欲禁侵耕。開告者則有賞罰之法矣。欲謹水
之畜泄。則有閉縱之法矣。欲痛絕敢田者。則拔其苗。
責其力以復湖。而重其罰。又有法矣。或欲任其責于
州縣。與轉運使提點刑獄。或欲以每歲農隙。濬湖或
欲禁田石柱之內者。又皆有法矣。欲知濬湖之淺深。
用工若干。爲日幾何。欲知增隄竹木之費幾何。使之
安出。欲知濬湖之泥塗積之何所。又已計之矣。欲知
工起之日。或浮議外播役夫內潰。則不可以必其成。
又已論之矣。誠能收衆說而考其可否。用其可者而

巖

縮東全篇
何等完密
簡老

曾文定公集卷之十一
以在我者潤澤之令言必行法必舉則何功之不可
成何利之不可復哉鞏初蒙恩通判此州問湖之廢
興於人求有能言利害之實者及到官然後問圖於
兩縣問書于州與河渠司至于參覈之而圖成熟究
之而書具然後利害之實明故爲論次庶夫計議者
有考焉

茅鹿門曰通篇點次鑑湖如天官家之次三垣五
星二十八緯以及飛流疾伏無不擘畫如掌而又
恐後之勢家或請爲田而廢也於是又詳爲辨覈
參駁曾公之文固雄而其經世之略亦概見矣
孫執升曰其寫湖形勢則參差盡致其備舉衆說
則兼綜詳略其洞悉利害則明白切至其條列二

議則如兩峯對峙其復理前說則又如風雨驟至
令人應接不暇末則以參覈之而圖成結前無數
形勢以熟究之而書具結前諸家議論可謂簡括
高老一篇之中無法不備

丘邦士曰只直叙湖之本末與當世議之輯錄底
本耳而卽因事之廢興爲文字之轉換而雄肆馳
驟如虎跳龍躍不可抵遏吾謂此文當在太史公
貨殖傳之上蓋貨殖傳有無限嘲訕滑稽之情出
入其間要作好文字易此直叙利害并不必剖悉
利害之故而文能雄肆闔博如此此所以較貨殖
傳而勝之也

湯敦實曰圖成而書具蓋將以修舉廢墜非僅記
事空文已耳但此時湖廢幾盡大約濬湖之功第
一然費財動衆爲日甚久能不牽於浮議而經理
得人非上請得當不可旣經理矣然後每歲挑濬
申閉縱法以謹畜泄立石柱禁侵耕嚴賞罰永爲
善後之策斯衆善兼收事固有難遽行者公第一
一條陳其中緩急先後亦略可考至推前代不廢

之由論當日因循之弊俱確當不易且因一湖而推及其餘其感慨深矣公之畱心經濟如此猶謂其政事不如文章可乎

孫月峯曰敘置處不排不散而詳悉如列鬚眉可謂文中有畫者矣

鍾伯敬曰敘事處錯綜如紛絲而有原有委却又井井不亂

州東六十里州下原亦有之字複上文從茅本刪

鑒

瀆編云此爰書也一經曾公手遂為名篇世有身為有司厭薄吏牘托之詩文書畫以為高而愈覺面目可憎語言無味者所謂作雅態而實俗也

唐本賊重下無皆字見之下無人字此情狀無情字器械唐茅本並作械器

序盜

盜三十人凡十五發。繇孫僊而下盜吳慶船者殺人
皆應斬。盜朱縞船者賊重皆應絞。凡應死者十有八
人。繇湯慶而下或賊輕或竊盜或常自言凡應徒者
十有二人。此有司之法也。今圖之所見者其名氏稅
等械器與其發之日月所盜之家所取之財至于人

王曰此中敘事甚有法

各別其凡若干發。皆旁行以見之人各別其凡若干
發者又別之以朱欲覽者之易曉也。吳慶之船賊分
爲三與吳慶吳道之屬有親疎居有異同至于孫僊

湯慶之族屬以及十二人之所以得不死者皆別見於圖之上下而獄之輕重詳矣其創作兵仗合衆以轉劫數百里之間至於賊殺良民此情狀之尤可嫉者也。方五六月之時水之害甚矣田疇旣以蕩溺矣屋廬旣以漂流矣城郭之內糶官粟以賑民而猶有不得食者窮鄉僻壤大川長谷之間自中家以上日暮持錢無告糶之所况於躡所素困之人乎方且結草葦以自託於壞隄毀埠之上士有饑餓之迫無樂生之情其屢發而爲盜亦情狀之可哀者也康誥曰

殺越人于貨，愍不畏死。凡民罔不懃。孟子以謂不待
教而誅者也。是則殺人之盜，不待教而誅，皆百王之
所同。而未有知其所始者也。然而孔子曰：「天下有道，
盜其先變乎？」此謂養之既足，導之既明，則爲盜者知
耻而自新。則非殺人之盜，有待教而誅，此亦百王之
所同。而未有知其所始者也。不待教而誅者，天下之
所不得容也。待教而誅者，俟之之道既盡矣。然後可
以責之備也。苟爲養之，既有不足，導之既有不明，俟
之之道既有不盡矣。故凶年人食不足，而有起爲盜。

賊者天子常密下寬大之令許降其罪而此非有司之法也至殺人與賊重者亦不降有司之法存焉亦康誥之意也予嘗閱是獄故具列其本末情狀以覽觀焉以明予之于是盡心矣

茅鹿門曰前半篇按圖次盜情本末如畫后半篇則又歸重于不忍刑之之意此子固之文所以動合輿刑也而子固之識獄詳悉處亦可具見矣湯敦實曰有可哀之情狀卽有可嫉之情狀分別治之而後無失出入之患若藉口寬大之令而諱殺人者指爲竊盜豈有司奉法之理乎安得如子固先生者使參錯於天下庶幾盜息而民安矣

